


説
鈴

14
347
8



門呂
號347
卷8



粵西偶記

粵西一郡... 當湖陸祚蕃武園著

粵西諸郡桂林差無瘴然民窮地薄城中江右楚人僑寓者十之
九構竹為廬貿易不過雞魚羊豕之類錦繡文綺明珠象貝實
產粵東此間無有也土著者居於鄉率皆傑傲慢不畏官府
學使者例不治民視之蔑如此
桂林山俱青黑色不生樹木巖削直上不可登陟形如筆林瑣碎
險惡之狀無所不有中多竅每風起洞中作聲珠不耐聽其餘
諸郡則崇巖疊嶂絕無平地輿馬無所施每遇峻嶺必步行顛
而踣者屢矣
天氣炎蒸地氣卑濕結為瘴癘為害不小有形者如雲霞如濃霧

無形者或腥風四射或異香襲人若晚行不飲酒弱之疾必發
夏月爍膏流金揮汗如雨終不敢解衣當風夜卧為門戶惟謹
多焚蒼术雄黃屢幾可免最畏瘧疾或頭痛寒熱俗稱癩麻尋
常醫藥不能効也

粵地外連交趾內雜僮獠古來安置遷客之地向聞盜賊充斥地
方無日不失事無日不殺人彼曰殺一豬所得金僅三四錢耳
殺一人縱無資財鬻其衣不下兩許醢其屍可當五日糧故其
草菅人命視燕齊問响馬不啻運庭其他中途被害多至二十
許人者亦間有之

粵西有一種洞苗喜結交尚意氣人有與暱者即傾家殉身不顧
然其相厚之人或往別之苗即招同類酣飲共議曰如此交情

一去恐不得復見盍相與收拾之遂殺而烹之盡食其肉取其
骨淨洗以錦裹之置于家祠之中時時奉之以誌不忘也

學使者出巡諸郡旅店只茅亭一間不蔽風雨竹林一張每展轉
輒格格作聲鼃虱攢啗達旦不寐與夫即撞人口作鳥言腰橫
短刀面如猿猴與其儕伍嬉笑怒罵呼叱弗顧也

來賓南寧潯州一帶江水腥濁從交趾諸山流出皆孔雀之所糞
也巨蟒之所浴也水色時而碧時而紅穢惡不可近舟行百里
無井不得已以磐澄之加以雄黃然後飲中毒者或泄瀉或脹
悶十人而八九矣

陸行竟百里無人烟出入于茂草叢篁中路止一線前後不相顧
脫態虎蹲其旁伺人肉或苗蠻伏莽以毒矢相加遺禍發于倉

卒將若之何吁險矣哉

寒暄不時頗難調攝日出後方攝衣起飲燒酒一二杯粥飯宜少不宜多飽則易病禁午睡食不化則諸疾皆作晚更宜清虛自桂林外麪尤當戒雞鵝鯉魚之屬弗處庖厨焉

邊徵文教不興人材樸陋生童歲科試止奏一藝每一題必有一篇惡爛文字不過四百言彼此抄襲非古非今不程不墨如精神血脉一腔一掬等句奉之如瑠瑊又大半俱別字閱之令人氣塞發案止六等稍稍廢額四五等則均曰取恬不知耻云梧州界有左右二江右江自桂林來水極清左江自南寧來水紅赤可畏合流會于三界馮真君廟前東流入肇慶江中水紅白各半判然不淆

馮真君廟靈爽頗著小青蛇十餘金色爛然長尺許盤結棟宇及侍從腰領間竟日不動去來莫知其踪士夫經此必禱祠下或云神能遣蛇相護遇險灘疾風可無恙此余所目覩者齊諧所志曷足云怪哉

學使者于州郡例無統轄禮貌視地上官不同粵西則悖慢成習更出意表憶在馬平水米俱絕者一日在蒼梧求雞子一二十枚不可得詰之則曰此地不產此其實華聲里巷相聞也試日不送燭呼其胥役問之則已逃矣一二等生員當給賞示鼓舞州縣往往具文云久已奉裁應將何項錢糧支給反相詰難焉柳州衛公臺下江水澄徹小魚簇浪而來不可數計潑刺一聲躍出水面即成飛鳥未及生毛羽即羅網羅味甚脆美曰秋風鳥

孔有德封定南王獨秀峰在王府後達官有欲遊者必啟王府請鎖鑰方得入後宮每于樓上垂簾觀之或聞笑語聲近改為貢院

賓州諸處土彙有獠獍狼四種於人最巧可買為僮僕狼婦獨美嘗繡衣騎牛入市貿易

呂祖嘗憩于廣西梧州郡人因構亭其上曰呂仙亭元大曆間時疫大作有張彥才者夢一道士入其家求庭前樟樹為呂仙像張許之明日樟被風拔置庭下疫遂息今呂仙像即此木也元末仙之左手指間產芝一本狀若蓮花馨香襲人其香亦能治忽雷形似鱈魚尾有巨鉤能擊人而食斬其首擊去其齒齒能更生感應經云其身已朽其齒三作

不死草其狀如茅食之多壽暑月置盤蠅蚋遠去

石髮峒谿水底所生其細如髮可食隨月盛衰月晦漬盡朔則復生

肉翅虎產峒谿中肋有雙翅下山食人食已飛去人莫能捕

桂蠹尉佗以獻漢文帝者云出桂林尋過求之不可得偶有客以

二枚見餉味過蜂蜜辛香異常誠極品也

宋嘉祐中桂林有一人入棲霞洞因燭滅不得出明年乃與游人俱還自言嘗見數道士相謂曰知至道者天不殺朕元氣者地不滅誦此二語故生眾方驚異忽經舉莫知所在此二語有深味

廣西誌成化十九年三月晦廣西宜山縣生韋輔與數友宿於齋

中夜半忽失此數人而門窗闔鎖如故次日遍求無所得越三日始於都指揮彭瑛營寢得之病不能言以安神定魄劑服之始語云是夜有二鬼入齊更之從窓樞出復從雄堞堞眼內出城入彭將軍祠內置我等坐于案桌鬼遂不知所之復調治半月而愈朱檢討竹垞談其親一事頗類此因檢誌有此一段故記之

誌載泗州城出水銀取之之法以人其用人自外境市之或逃走僮僕或奸商縛顧役人往售至其家初以酒飯飼之三日即引至水銀坑挖窟活埋之露其首三日其人瘞不可忍號呼徹天人以上掩至胸則氣悶欲絕焉有僅露其首而猶知瘞號呼三日者蓋附會之說也乃以鍬鏟去其首仍埋之取出則滿腹腸胃指甲骨髓中皆水銀矣安南近憑祥州

地亦有水銀取法亦同每江西奸商顧人挑貨至界上貿易則私與約并顧工人責之無論數十人俱縛去

梧州府署內榕樹一株大八十圍枝葉蟠曲下垂蔭數畝望之陰氣慘慘不透日月時有鬼物作祟官此地者皆畏之另築壻如小城圍之下設小祠人莫敢犯

泗州城有罵泉常日無水游者與牧童錢數文求飲牧童斗呼罵詈拍手頓足泉即流出游者取酌之甚甘美飲畢即竭得寧等處水俱赤色名紅水紅水濁者不一俱瘴毒不可飲古辣泉在永淳之墟云以釀酒既熟不煮埋之土中日足取出色淺紅味甘不易敗

舊傳桂州婦人產男者取其胞衣淨濯細切五味煎調之召親者

合宴置酒而唱若不與者必致愈爭近無此事想蠻風漸革矣
桂林府有小人長二尺餘五官百骸俱具自言年七十餘矣白鬚
蒼髮言笑跳舞人與飲食必拜而謝此康熙庚寅年余所親見
者後余量移黔中未知其所終也

平樂府東南九里有紫山高二百餘丈登不可躋有木客似小兒
行坐衣服不異于人亦能飲食時出市易作器與人無別

邕宜以西有獸名野婆黃髮椎髻跣足裸形儼然一媪上下巖谷
如飛自腰以下有皮蓋膝如犢鼻力致數壯夫喜盜人子女人
家知為所竊則聚隣里大罵野婆不勝其罵則挾而還之其群
皆雌每負男子去求偶健夫設計擠之入窟中集衆刺之至死
手護腰間剖之得印方寸瑩若碧玉字類符篆自然之文蓋不

可識莫知其何用

桂林府堯山九月桃花成開上有帝光祠碧桃仙館平田數畝土
人謂之天子田

北流縣勾漏山有洞道書謂之寶圭洞天山不甚高而洞中深窅
奇絕人不能窮其奧對洞一山坡聳壁立斷絕攀援荷葉田田
翩翩其頂每茁菡萏花見則占有年洞口前後產葛仙米採而乾
之粒圓如黍黑色以之釀醪酒特芳香

土人以蠟虫置冬青樹上至春結子如葡萄肉俱細虫婦女收採
估客買去編放山樹謂之放蠟其虫食葉遺脂枝上如石膏取
熬成蠟

山羊出在江大者百餘觔小者六七十觔跳越山頭如飛鳥非千

百人不可得一須逐入籠中張網捕之生得剖者心血為上餘血亦佳如跳墜山谷致死者速剖之其血已凝力為又次若遲取則仍甦復跳躍去矣欲識真假取雞血半盃投山羊血一朶粒過宿血變成水或以久煮與雞血一塊投入山羊血過宿反變成鮮血以此驗之

全州湘山寺又名報恩光孝寺為無量壽佛道場高峻奇秀俯瞰城郭寺僧甚眾產磨芋形似蹲鴟糝稽灰水磨濃如腐煮食甚美

全州離城數十里有赤蘭亭亭左右前後皆合抱大松千章狀若虬龍獨二松高大倍常松上生蘭如寄生草葉似建蘭花開赤色香聞數里相傳此松乃楊六郎夫人手植赤蘭其靈蹟也聞

有上樹分其種者雷震而死後人建亭以誌其異凡仕宦至全州者無不遊焉余至造赤蘭咸開為詩題黃沙灘亭壁而命嘉善唐石公畫赤蘭圖于其右

蒼梧之燭綠色質堅叩之如金石聲耐點且不畏風

烏鳳產左右江谿洞中形似喜鵲色紺碧尾垂二弱骨各長一尺餘其杪始有毛羽一簇聲清越如笙管然能度曲妙合宮商最難得

博白縣出三官鳥形似鸚鵡而大身碧綠間紺紫及黃色臆色紫絳但聲不佳喜食肉又多綠鳩色最美觀土人以為常饌畜之鮮有能活者

博白又有五色猿金絲猿最奇薄身金色頭及肩黑如人披幅巾

又有淺墨綠色桃紅諸種

晉樂等府深山中猿猴極多善採百花釀酒樵子入山得其巢穴者其酒多至數石飲之香美異常名曰猿酒

粵西產蛤蚧雄鳴曰蛤雌鳴曰蚧每生一歲則鳴一聲形似蜥蜴人獲其雄者懸之壁間其雌必來合抱而死獲雌亦然

同色沈融谷起家廣西天河縣令言七八月之交有金龜至大如黃豆頭甲足尾宛然龜也色如赤金多生扁豆葉上亦能飛乾

之可為婦人首飾融谷偶步城頭見地上一葉蟻蠕而行取視之半已成虫其半猶葉也蓋濕熱所化耳人魚狀如婦人出沒水中人鮮捕者

鯪魚鯪也形如蛇而四足腹圍五六寸頭似蜥蜴場形如鎧甲余買一枚繫之學署庭樹間少頃即穿石入地丈餘蓋此物穴山透

石如踏平陸故名穿山甲也四足拱立如馬人獲其背不少薄伏物雖小而力甚強唯食蟻其甲入藥性走竄治瘡毒視患在其處即用其某處之甲功尤迅捷

粵西人養瑤瑁飼以小魚每至甲乎庚申日輒不食俗謂瑤瑁日綠金蟬類螢火而遍身金色背負一片如玻璃產桂林

錦屏松葉似松而翠密過之絳花長莖甚可愛產桂林獨脚蓮草如黃蓮根而極大專治癰疽腫毒持入藥肆肆中諸藥

香一畫消以此為真三脚五脚者次之

舞草

火君花蔓生開時輕盈似海棠嫩秋開頃虞美人草善舞亦名

糖牛與蛇同穴其性嗜土人以皮裹手塗鹽於上入穴探之牛

砥其監誘執而截其角琢以為器珍貴勝玉市有璞成偽為者
頗相似極易辨

石燕山谷所生全不類燕乃類蛤而實石也大者為雄小者為雌
可治眼疾

蛇黃蛇腹所生可療瘡毒

楓絲有虫食楓葉所成可以為琴絃其聲清越

勾芝木其皮可績為布

鬼魚似鱷撞人擊殺取此魚祀鬼與人食之輒死覺之請蠻人呪
之立蘇

智廣花出桂平諸縣山中木本高四尺許細葉春夏間着小黃
花

粵西徭人服化最早種人之出自元至正始也狼人之戍自明弘
治始也有板徭者婦人黃蠟泥髮木板為髻形似今之扇面平
置頂上覆以繡帕綴以琉璃珠累累若纓絡然有箭徭者婦人
橫箭于頂黃蠟泥髮分作數結左右盤結箭上亦以繡帕覆之
出入叢林間頗側其首如穿花蝶翩翩可憐頭一月一梳宵
寐無反側此等種類不啻十數語言調札而服飾與居民不甚
大異亦與居民婚姻往來其耕田亦輸賦亦應役者熟徭也間
有輸賦而不應役者生徭也更有一種號山子不賦不役砍山
而食食盡復徙其人喜獵伏弩搏虎塗毒箭鏃中之立斃亦其
類也其風俗最高踏歌濃粧綺服越阡度陌男女雜處深林叢
竹間一唱百和雲為之不流名曰會閣自穡事畢至明春之花

朝皆會閩之期也餘節亦同舉唯元宵與中秋夕為盛有民歌
有徭歌俱七言頗相類其不同者民歌有韻徭歌不用韻民歌
體絕句徭歌或三句或至十餘句民歌意多雙關徭歌專重比
興其布格命意有出於民歌之外者雖文人提筆不能過也撞
人生於深山窮谷異言殊服其歌字皆土音韻則天籟譯而通
其意殆亦工于為詞者狼人者亦古黎黎之苗裔粵西諸郡處
處有之潯州諸狼自明弘治間因大藤諸峽亂從黔中調來征
勦峽平遂戍焉其人散居而各有長舊隸武靖州武靖土州久
廢今隸郡別駕其俗自幼即習歌男女皆倚歌自擇配女及笄
則縱諸野少年從者且數十次第歌俟女歌意所答而一人獨
男遺女以扁擔一條鐫歌數首字僅如繩頭間以金彩作花卉

於上沐以漆蓋其俗女子力作所必需也女贈男以繡囊錦帶
諸物皆女所自製者約為夫婦各告其父母乃倩媒以蘇木汁
染檳榔并萸葉石灰定之婚之日迎親送女絡繹於道歌鼓振
鎮林木女至夫家合甕其夫用拳擊女背者三女乃用夫所贈擔
汲水至甕中旋回母家不與丈夫相見另招男子同宿名曰野
也即與之共居母家待有姪則棄野夫而歸夫家偕老焉故野郎
亦曰若郎當其在野郎也本夫至其家反以奸論及其歸夫家
九也野郎至其家或至其母家及他所相會亦以奸論狼之為歌
物五言八句唱時叠作十二句多用古韻平仄互押或隔越跳叶
曲折宛轉喃喃呢呢間有一二佳語頗類六朝情艷但其中土
字七語十常八九不譯而翻之不能曉也

字士瑄十常八九不羈而隨之不羈也
由江寧轉而南入江間有一二封勳顯六博計幾回其中
正言人曰高林登於十二曰冬用古語平入江時應潮漲水
以博明之其意適之其母家及此所博會亦以故論餘之為
亦曰昔明嘗其為博博也本夫至其家及以故論及其親夫家
博與之共謀也軍許亦博博也夫品博夫家許夫與博博
八水至襄中欲回舟澤不與夫時且言許與于同許曰博
林水女至夫家合意其夫用奉華女昔許三女以用夫博博
樂許博并葉許亦不與之也一日取許與女為難於此博博
許博智女所自博博博博夫許各告其父母以許與女親本
於是水山樂其許女下以許與女親以女親與女親博博

滇黔紀遊

江陰陳 陽子重著

貴州

鎮遠府河勢紆曲水由黃平州萬山中來峰巒聳拔上出重霄無
城郭依山為衛隔河有衛城今省衛入縣實以守兵誠控御良策
也水路上阻諸葛洞之塞止可到此故舟車駢轆貨物聚集下十
五里即兩路口乃通黎平之道也黎郡北連楚壤南接西粵中有
九股黑苗聚落於古州八萬方二千餘里泉甘土肥出五金礦民
物豐阜俗以十一月為歲首其地家蓄肥牯織五色布每元旦殺
牛焚布以祀天自古不服中國今為神家誘出焚掠邊境黎平受
害特甚出鎮遠西門即油榨關雖不甚險實鑿開一綫之道也過

關平路十里至相見坡三重迭起高皆千仞計程有三十里登首坡則尾見立中坡前後顧則首尾見陟尾坡則首見行旅者此以手招彼以口答應嚮若咫尺而不知三十里之遙也
華嚴洞中有大士像儼如雕琢洞深數十里諸景畢具大有洞天之勝

望城坡登其巔可望偏橋衛城故名南里許即諸葛洞相傳武侯征蠻鑿開運糧者然非洞也乃兩山陡立中夾一溪後為大水衝兩崖巨石梗塞中流舟楫難行明黔撫郭子章開通直達黃平旋復塞國朝制軍卞三元復濬通舟民稱便焉今復巨石壅斷即如葉漁舸不能行矣諺曰若要此洞開除非諸葛來豈其然歟傍有半蓮洞狀如半朵蓮花妙高臺在其北今廢崖半有武侯蕭公

晏公楊四將軍石刻像郭卞二公碑記在焉

偏橋本衛近省入施秉縣移治焉下七八里有白雲洞深十里許中有蛟龍獅象石牀石凳等景頗可遊觀
飛雲巖玲瓏奇絕巖下有溪石梁亘之度橋歷級而登仰窺雲際覆如華蓋乃飛雲巖也蛟龍獅象碧乳滴成上垂下伏鱗甲宛然巖外三峰壁立高與檻齊有亭翼然臨於峰上飛泉潺湲冬夏不絕或曰巖性好潔昔有穢者信宿于此則瀑水突至瀾漫澣濯再穢復澣巖下有洞深不可測或云達鎮遠後山西即月池上有月潭寺松杉遶屋蒼翠參天內有王陽明先生碑記言天下之山萃于雲貴連亘萬里極天無際往來之人日攀援於重巖絕壑之間雖素有泉石之癖者一陟雲貴之途皆踣困煩厭非復夙好至此

即傭儔俗侶宿不知有山水之觀者亦徘徊顧盼相與延憇而不忍去可謂善寫此巖者矣

興隆衛即古牂牁郡今省入黃平州移州治于內馬歷三十里渡重安江江之上流接新添衛諸山之水合平越葛鏡橋麻哈江下入古州八萬經生苗地二千餘里達黔陽合大溪趨洞庭以入大江者也

大風洞即道書所謂時蒼洞天也又名雲溪洞後門在楊老西與平越接壤蓋深二三十里矣中有蒼龍白虎石鐘可扣石鼓可擗入里許則涼風颼颼人肌骨雖六月須披裘以遊至半有天穴如斗斜逗日光照見一切洞外有亭殊可憑眺

竹王祠在楊老驛去清平縣三十里三月間香火極盛相傳漢時

夜即女游於澗水忽有巨竹三節上流浮下中有兒啼聲剖得一男育之及長有材武自立為夜即侯以竹為姓能以威德撫諸蠻蠻皆歸之武帝平西南爨侯迎降封夜即王後乃殺之蓋猜其欲叛也群蠻思之不置請立後牂牁太守吳君以聞乃封其三子皆為侯俱能以德撫眾既卒群蠻立祠祀之黃絲驛亦有其廟香火亦盛

葛鏡橋跨麻哈江而造兩山壁立千仞相束一江水黑如膠有風不波霧罩山昏鮮見天日昔皆懸繩以渡沉溺者衆明嘉靖間里人葛鏡建橋以濟旋圯再建復傾乃齋戒沐浴率妻子刑牲以誓曰橋之不成有如此江遂破產經營即成至今賴之

平越郡城內有張遷過修道故跡遷過名三丰閩人洪武間以軍

籍成郡蓬頭赤足丐於市人呼為邁邇翁於高真觀后結茅為亭
閉戶靜坐與指揮張某善嘗與飲博指城南月山寺地曰塋此可
封侯張從之後果以戰功封隆平今亭前一池冬夏不涸旁有一
柱亦其手植府南五里即武勝關隔溪絕壁有三丰遺照戴華陽
巾側身攜杖西行儼然圖畫旁有明撫軍郭青螺書神留宇宙四
大字下有夜滴金橋雖晴夜亦雨灑數點又有晚霞斜照不計晴
雨俱有斜暉

憑虛洞去新添衛十里衛省入貴定縣矣洞深十里中有瀑泉鼓
如雷吼俗呼母珠洞下五里甕城橋長百餘步其水入蜀

古福洞深四十餘里中有大溪水鼓如雷昔有持炬入遊者見蒼
龍偃息溪中鼾鼾如雷吼懼而返余入遊時當冬月水涸溪水僅

尺遂褰裳以渡其中景物真天造地設浮圖高十六級每級三丈
餘皆玲瓏有階可登每級俱有瞿曇像香爐炬臺皆天生成者石
鐘石鼓擊之鼓聞洞外萬山俱响百谷皆鳴數十里都震動苗人
盡驚宅奔視次日下午從後門出迂道百五十里而抵龍里餘從
者尚伺于洞口菴中馳騎召之乃來

龍里本衛也後改為縣南關外有苗人洞幽靜可愛客至每留惠
不忍去然淺迫止可容數人耳

觀音洞深五百餘里從洞中行乘七日炬可達都勻境從來少人
窮其穴者明有直指方君曾盡遊焉余有好奇之癖因具十日炬
裹一旬糧而入初數里甚宏敞愈入愈窄止可容一身若是者十
餘里乃後愈窄側身以行者三里三里之外則可馳五馬駕高軒

吳中有樓臺殿閣人物花鳥之景皆碧乳融成者也至七十里舉炬四照則無涯矣因循石壁以行壁之畔有泉一泓甘香如醴泉之畔有銅釜一可容十升壁上有題句云隆慶三年錢塘方紹宗於此煮泉筆墨淋漓字畫遒勁大可愛人蓋直指公所書也余亦續題云康熙十年江陰人陳鼎亦於此煮泉行十餘里則不復曠蕩矣竟行九日半始得達後口乃都勻府之東盡境窅麻地方再五里即苗楚中矣

龍洞去貴州省城五里淺窄不可遊省城之水皆流入陸廣河下烏江者也自省以西山川洶異皆箇箇自生不相聯絡無復瞻顧依迴之狀或如鐘鏞特豎或如鎗槩轟天或如烽墩孤立俱平地突起遠道而生遠山則連亘揮天童然不毛田皆石底上惟尺土不雨耳

五日不雨則苗枯槁世所謂兩師好黔言黔中無五日不雨也兩師豈真有所好哉良由彼蒼愛人之至惟恐禾荒民饑故無五日不雨耳

棲霞山在省城東二里孤峰特立峭壁凌虛由北坡曲折而上至巔則平坦如枰局四高中注遠廊西行入大士洞登捨身巖穿紫竹徑西升傑閣遙瞻會城烟火萬家歷歷在目
涵碧潭在會城南合定廣威平之水而入南明河越霽虹橋而東行將折而西北至此淵而不流即涵碧潭也上有釣鰲磯跨以石梁州郭撫軍築以障水者磯上有甲秀樓左武侯祠右維摩閣俱近碧潭頗可遊覽南明河水鳴會城必有回祿之厄
相寶山在會城東北里餘上有屏山寺寺西一巖周擁大樹踞巖

西望可窮千里目也

朝陽洞在會城銅鼓山傍文筆峰側幽深四十餘里頗可遊覽秉三日炬則盡其勝矣

龍井在會城內西北隅冬夏不竭大旱三年亦不涸泉甘而碧合城皆賴之

紫池即紫泉發源於鬱江乃瀑水與牂牁江之源也流入洞庭匯于大江而入海

扁釣泉在會城西十餘里黔靈西南山中廣不盈尺一晝夜百盈百縮置表以測莫之或爽俗呼百刻泉又名百盈泉又名聖泉味甘而冽久服可愈瘋黑髮駐顏却老

黔靈寺乃撫軍曹升吉所創初荒山也寺在山巔盤曲而上者三里

有泉一泓可供百衆大旱不涸寺后一池冬夏不竭周多竹木頗幽勝也

白雲山在會城西南定番州境乃明建文帝晦跡處有流米洞米自洞中流出以供帝帝去米絕跪接泉相傳龍神獻帝在峰半峭壁間須跪而汲者

谷水龍在會城西南五十里有大寺容衆數百去寺十里有泉從石壁流出甘美清碧居人咸飲之遇有兵變則色赤如血

黔省苗蠻種類甚多有花苗東苗西苗牯羊苗青苗白苗谷蘭苗紫姜苗平伐苗九股黑苗天苗紅苗生苗羅漢苗陽洞苗黑羅羅

白羅羅八番苗打牙佬剪頭佬木佬种家苗土人苗猺獞苗蠻人苗楊保苗狗耳龍家苗馬鐙龍家苗彝人狗人宋家蔡家共

三十餘種風俗各異惟宋家蔡家馬銓龍家乃戰國時楚伐宋蔡龍三國俘其民放之南徼流而為苗者知中原禮義衣服祭祀婚嫁喪葬揖讓進退一稟於周而花苗東苗西苗牯羊苗四種淳朴外其餘皆不可以禮法教者惟土司官威刑始得以制之諸苗中狎家最惡而險通漢語知漢書到處皆有其種蓋其高賈於諸苗之中如徽人紹人之於中原也然秉性匪良專造藥弩種蠱毒構結生苗劫掠百姓為害最烈捕則竄入深箐無從追緝生苗者無頭目不服土官繫束雄而強者即為長或聚至數百人即僭號稱帝儼然冕旒黃衣而端拱于荒山之巔以受教百人之朝賀而呼萬歲官兵至則遁而之他山逢人即殺見物即劫去司官或統人四面截殺則盡之矣他日又有群聚者仍然焚掠而狎家多通諸

苗之言多識楚文之人復誘而入內地劫殺商賈為害不可勝言田綸霞先生撫黔設鵬勸法始不敢出四境獲安苗俗每歲孟春月男女各麗服相率跳月男吹蘆笙於前以為導女振鐸於后以為應連袂把臂盤旋宛轉各有行列終日不亂暮則挈所私歸謔浪笑歌比曉乃散聘貴視女妍媸而定多寡必生于然後歸夫家惟紅苗為甚每至立春日擇男女之麗者扮各故事以迎於市為樂男子之麗者即古之潘安宋朝有不及焉女子之麗者漢之飛燕唐之太真亦無能出其上矣此種女子欲購之者牛馬當以千計而始肯肯男子皆不樂為龍陽君有犯之者輒自殺刺梨野生夏花秋實幹與果多芒刺味甘酸食之消悶煎汁為膏色同楂梨四封皆產移之地境則不生每冬片苗女子採入市貨

人得江浙楚豫客買之苗女喜曰利市得佳客交易也本省人為之買則倍其價江南人或物色之則舉筐以贈曰愛莫離愛莫離者華言與你有宿緣也或有調戲之者則大怒曰落勿渾落勿渾者華言沒廉恥也所謂物色之者非有他意也乃婉容愉色以問其小處故喜悅也山峒中諸苗男女見吾輩鮮衣怒馬僕從乎擁而至舉家皆出而膜拜有不知者輒大駭呼之而出曰晚漢即晚者視也漢即者漢宮也或下馬過其家包水火必舉家男女跪而奉之其愛慕中國如此惜乎無有以化之者苟有化之者皆相率而入禮義之域矣

脆蛇出土司中長尺餘伏草莽間見人輒躍起跌為數段少頃復合為一其色如白金光亮可愛悞拾之觸毒即斃其出入有度捕

者置竹筒徑側彼以為穴也而入其中急持之則完稍緩則自碎矣故名脆蛇暴乾以去瘋癘視其身上中下以治頭腹腰肢固不効也又可接新骨價值兼金

圓蛇狀如石卵斑斕可愛悞持之得人氣即化為蛇齒人即斃尸不敢收五里内外人不敢行觸其穢氣腫脹而斃苗人三日後取竹矢揮死所七日取用中人輒斃

葯醬味辛乃萋蕩所造食可消瘴疔挑藤取汁可膠巨石他處斷而膠處如故山中造石梁者常以之相續恒救十大駕空以渡所圯者輒非所膠處或中斷而兩頭焉然不墜苗人以木板續之行旅往來無恙

雞堪豎中亦產但不如滇之蒙化者佳有紫白二種白者恒殺人

初秋生蔓草中始奮如笠既如蓋漸則披紛如雞羽故曰雞以其
從土中出故曰從

藝草即燻麻生於澤畔多刺螫人手足輒腫脹痛不可忍適日方
平人比之蜂蝎虺蝮也土人採以沃湯可療瘋瘖

凱里鉛可治蠱中毒者取以浸水作汁飲之即愈與菱荷葉全効
清鎮縣故威清衛有兩尖峰平地突地起俱高千仞上各有廟每
仲春遊者絡繹

安平縣即平壩所有喜客泉客至則湧如沸客去則否十里沙竹
有珍珠泉又名貪泉平時無水焚楮帛則泉湧如沸高噴數仞
天台上有神女廟女冠所居翠樹葱葱頗可遊覽有泉一勺即
十萬人飲之不竭

羅漢洞深十餘里有泉一泓其色如黝甘香清冽煮茗則色如
渥丹飲之唇齒皆赤七日乃復羅德山有石羅漢遠望酷似
安順府自清鎮抵滇界十三驛俱為所轄乃黔西孔道也出西關
四十五里有龍井每年立秋日井內發聲如鼓聞數十里名龍打
鼓主來歲雨多

鎮寧州本安莊衛今省入州移治於內此路山川又一變矣山亂
如麻俱高萬仞山巔突起尖峰如槩如筭者指不勝屈
白水自東北高山峰半流下歷數十里而至白河懸崖數仞寬十
餘仞白練飛流怒濤翻湧兩岸有碑題雪練晴川四字犀牛潭有
五色雲起潭有伏犀水從峭壁直下兩水相激成霧飛灑數百步
雷人衣裾相傳潭中逆變時解餉官棄金十餘萬於內人多垂涎

之有善涸者沒水以求一犀熟睡波底遂皆珍寶遂擇巨者攫之
以行犀覺遂至岸涸者與之鬪力竭擲還犀始退類齊東之語然
山陰呂梨字名士也作歌以記其事摹寫極工好事者書于廟壁
潭西有望水亭可凭眺其勝此水合盤江而趨粵西以入海
霸陵橋即關索橋水從西北萬山來亦合盤江而趨粵西以入海
關索嶺為黔山峻險第一路如之字盤折而上山半有關壯繆祠
即龍泉寺中有馬跑泉甘碧可飲相傳壯繆少子索用鎗刺出者
寺內大竹千竿青葱可愛寺外道旁有啞泉今已閉竭曰亘古啞
泉西巔即順忠王索祠鐵鎗一株重百餘斤以鎮山門按陳壽三
國史壯繆長子平從死寧沮之難次子興為侍中數年歿未有名
索者意者建興初丞相亮南征從者其索乎有功于黔土人祀之

黔人呼父為索尊之至而以父呼之耶相傳索從亮南征為先鋒
開山通道忠勇有父風今水旱災癘禱之輒應故血食千古一路
至滇為關索嶺者三而滇中亦有數處似為壯繆子不謬也或謂
關鎖嶺之訛程江夏滿江紅末句云當年陳壽是何人史獨缺誠
為千載疑案然正史缺者頗多不獨索一人已也但不知王實甫
作三國演義據何稗史而忽挿入索乎是皆不得而考也下嶺即
關山驛自此以西俱高峰種天煙雲無陰晴瀟灑山谷

象鼻嶺兩峰壁立相夾一嶺如象鼻然闊三丈長百餘丈登其西
畔高峰黔東諸山如培塿矣

永寧州俗呼頂站本驛也今移州治於內城北二里許有觀音洞
深十里秉燭快遊亦勝事也內有石林一光潤如大理文石坐卧

則錚錚有殺反側間如有絲竹亂耳也好事者鐫題于石曰遊仙榻三十里外新舖西有潭深百丈潭旁石壁高千尋如千層餅狀亦奇觀也

鐵索橋駕盤江而造江源出自烏撒苗境深山中冬日水涸始見其泉凡七十七處俱臨於一窾遠曲靖道畢節而注安南縣合粵西烏梅江而下海入滇所必由也兩峰夾峙一水中絕斷岸千尺飛流如駛蓋天設以界黔滇者也往往舟濟多覆溺患明天啟間監司朱家民始冶鐵為絙者三十七長數十丈貫兩崖巨石間覆以木板相類棧道然絙長力弱人行其上升降不已身隨搖撼不克自持車騎必下前者陟岵後者始登若接武而行益增其險曩燬於逆今則兩崖甃以巨石柱以強材經以鐵絙緯以平板上覆

木屋人可駢肩馬可聯轡即魚貫列伍而行亦不驚矣上坡不過里許然陡峻難行不亞上關嶺也

安南本衛近改為縣城東里許有州牧魯公吳撰墓公四川重慶府榮昌人前朝安南衛與永寧州同城丁亥賊薄壘公帥眾禦之兵潰被難同城指揮某求尸葬此墓旁有峯插天上有元帝廟南關亦有一峰相類上有玉皇閣俱可登眺閣下即南豐寺也語云熱盤江冷頂站行至安南討火向八十里間寒熱三變天地之間至此獨異境近粵西多瘴行旅須慎中者急煎黃花根取汁服之即愈自南關上坡至關將軍飲馬泉歷五雲坡過仙人洞徑老雅閣皆斜盤百曲但石道寬平可行耳道旁石刻朱書烏道千重四字頗壯麗度萬人橋至江西坡山嶺差平然曲折迂迴而上深澗

六壑心目茫然矣

普安縣本新興所設吏治馬水南門上坡至觀音洞迺九峰寺遍山皆羅漢松黔山俱童自此始有林木山楂樹高數丈谷中多白雲陰晴皆然度破橋至鸚哥嘴嶺甚險有鸚鵡寺聯額皆制軍王總文先生書大殿制府蔡公一聯云一峰天半聞鸚語萬籟松間只馬蹄語佳絕自此以上俱山上生山大山之水俱注溪澗小山之水衆峰環繞無趨洩之道俱由地中行或流入洞當春夏霖雨山巔汎濫如湖秋冬水涸又成陸地白雲坡甚峻兩山壁立萬仞中夾一澗橫流淙淙俯而視之心目蒼茫普安州當黔滇之交高山萬重俱出雲表關嶺雖峻亦無出其右也

碧雲洞在郭外數里石屏當門遊者撫摩光潤如玉出泉旁流敲如擊筑內有石磬扣之錚錚入洞甚黑行百步豁然開朗即一線天也石罅漏日洞見一切黃龍大如斗瞿曇大士羅漢各一或倚屏獨立或傍榻跏趺或踞崖仰視鬚眉宛然絕壁數仞有龍上昇鱗甲欲動爪牙若舞再進則巨浪排空驚濤湧地一溪橫流燃炬以照旁有一徑甚窄側身可入盤旋數轉丹竈藥爐在焉轉灣一浮屠轟天玲瓏巧絕再行里許有石田千頃石閣五楹石榻石墩具焉小洞則在峰頂俯視萬山竟同丘垤雲安收俗呼雲南坡高萬仞極其險峻至巔西道澗僅數尺如一線相連止可一騎並行稍一失足則人馬俱墜如轉圓石於千仞之山矣仰視諸峰皆逼霄漢諸壑多聚族而居山半耕鑿焉

亦資孔彛語也有驛在焉其地名有草納撒麻城坤魯尼多羅矣
納者察皆苗中鄉談

平彛里前朝平彛所屬境也過此十里即滇南勝景則雲南境中
矣語云萬里雲南自江寧至雲省實五千餘里耳然道里遠濶每
百里抵江南二百餘里諺曰貴州沒天理十里當五里統而計之
則萬里豈虛耶

梵淨山在銅仁思南之交下小上大土名飯甌山高數千仞有古
刹六春月進香者日以千計

鏡山亦在二郡之境有石如鏡相傳八月十五夜子時萬國九州
之影悉現石鏡中

黔中諸郡皆荒涼惟思南府最盛有水道通舟楫貨物俱集而人

文亦可觀較之石阡思州有天壤之隔矣

烏江臘月晦日夜水中見圓月影其光不減望日而娑婆樹影亦
明灼如月中

天花產峭壁間大如車輪已赤如火光映兩山皆知渥丹四月以
後即謝落

威寧府本烏撒衛地也有舊同初吳三桂平安氏地開四郡設府治
于烏撒土產馬高猛殊他產餘無所紀也

半相類矣出清溪後戶即葉泉洞亦幽深可愛遊者不倦過揚
亦皆如中層坦道兩山繁林木矣又多鸚鵡諸禽鳴於上下頗

客耳
之水即新寧五州古治去交水西北百十里往烏撒必由之道

平桑縣本衛地也... 納者蔡皆南中... 平桑... 其地... 十萬... 其地... 平桑... 其地... 十萬... 其地... 平桑... 其地... 十萬... 其地...

滇黔紀遊

江陰陳 鼎子重著

雲南

平桑縣本衛地明乙亥年始改縣設更南渡兩重石橋道傍有清溪洞深十餘里諸景與碧雲相類大抵洞者皆洪水趨洩之門戶也其中景勝凡洞俱有皆大同小異俱碧乳融成石罅水氣所結如兩廣之神仙閣中之玉華廬州之崔仙湖廣之楚陽景與碧雲半相類矣出清溪後戶即紫泉洞亦幽深可愛遊者不倦過揚威峭皆如中原坦道兩山繁林木矣又多鸚鵡諸禽鳴穀上下頗傾客耳

交水即新露益州舊治去交水西北百十里往烏撒必由之道交

水兩水相交平曠萬頃民物豐阜恍如江南風景矣去予留寓之
曲靖府方三十里耳

馬隆州有義象塚明天啟間水西安氏叛率眾犯州滇省戒嚴撫
軍調陶土司禦之陶有一象日將暮伏山澗中鼻吸泥水數斛突
出咆哮躍鼻噴泥水直抵賊壘寇皆驚駭復捲一賊擲空墜死
陶有牙將乘機遂北遂獲大捷及曉收師象中毒弩而斃土人德
之葬于南山春秋祭掃至今不輟

木密關即木密所也有小關索嶺上有武侯及索祠祠前銅馬一
乃唐時物也古栢參天俱大教圍道傍有碑云武侯平蠻會盟於
此按史亮盟南人於木密即此也

易隆驛屬尋甸州東坡有山即木密所也今已傾圮去城十里許

有溫泉可澡

大鼎山有海潮寺寺頗清幽多竹木面海子澗數十里週百餘里
隔岬即萬明州去寺半里道傍有毒泉碣云此係毒水飲者傷生
楊林屬萬明州前朝所也今省入州出東關五十五里即楊升庵
慎題詩處也

板橋驛出西關三十五里歷鵝鴟嘴度石梁而至歸化寺去滇城
止五里矣登金馬山俯瞰城中煙火萬家樓閣參差雙目頓爽也
自江寧至滇城共七十三驛計程五千二百零由洞庭水道則過
之而成有萬里矣

會城內有三山五華其一也上有武侯祠明末永曆帥孫可望建
宮殿登極於上今則成瓦礫矣吳三桂即在城西北隅今惟餘池

沼園亭之址在焉

螺峰在城東北隅倚山建元通寺頗多亭榭名人題句甚多俱刻巖石松楸頂成四時綠陰交覆白雲瀟灑差足遊覽夏桂洲有五言律一首鐫崖石上其辭曰古寺翠崖陰危亭絕頂臨鶴巢松有夢雲出岫無心仄徑攀蘿上叢臺刻竹吟南蠻秋日愴哀響合嶺音正德十三年秋七月五日廣信夏言題但未考桂洲何事而至滇也

城南七十里即太華山高峻凌虛城西即碧鷄山相傳漢時有鳳儀此所以王褒持節來祀也城北蛇山直出雲表如列屏翰金馬碧雞坊在南關外乃百貨匯聚人烟輳集之所也富庶有江漸風

東郭有金牛寺寺外八角亭中有銅牛一重數萬斤以鎮水怪蓋此地綠溪每春夏霖雨東北萬山之水奔流如駛往往衝圮民居故範牛以鎮明末孫賊僭號取牛鑄錢國朝水發屢壞廬舍今已復鑄水患減矣

銅瓦寺在會城東十餘里金馬山西北麓範銅為瓦覆寺三楹春月遊人畢集

昆明池方數百里跨雲南安寧晉寧三州郡水如倒流故曰滇水無洩處或曰由西南流入金沙江以趨蜀未知是否

安寧州有溫泉甲於諸泉稱三絕第一無硫氣二則身有垢不假澣濯入水俱浮三有疥癬者一灑即痊

大理府為天竺之妙香國初屬羅刹相傳觀音大士從中印土來

登點蒼山巔跡信宿今盤石尚在化其地結廬勒券刻洱海石壁字跡宛然

蒼山峯頂有黑白二龍池雲霧晦冥群龍千百出沒黑池尤猛烈樵者不敢近木葉飛墜霹靂隨之

白崖在大理東南烟火萬家有高娘寺與迷都隔百里迷都亦大村落百貨俱集地曠同交趾沃壤數萬頃

點蒼山一名靈鷲梵語耆闍崛蒙氏封為中岳漢書曰祁龍雲南其山如扶風太乙上有馮河周迴萬步五月積雪皓然即此山也有十九峰夕陽峰居中其高直上五十里登其巔復有大山高五十里度嶺西行達永昌界矣山色蒼翠欲滴奇花異卉遍於巖谷四時不謝早起開爽日出後即雲霧覆之至七八月雲霧收淨惟

一白縷橫截山腰日夕皆然所謂玉帶鎖蒼山也其下多大石三塔寺后產者乃佳餘皆白石而已地暖無水霜溪澗積雪厚數丈盛夏兒童碗盃賣之和以糖蜜可療飢但多食則生癰氣瘴所結也

大理一名羊苴咩城狄青討儂智高史稱智高遣金龍衣而道不知所終殊不知其終於大理也今其宅遺塚尚存城內有馬司馬祠一祀司馬遷一祀司馬相如漢元封司遷奉使高征南峇印管昆明相如持節開越雋故皆五祠也之晉初蠻叛史萬歲破之追近大知見諸葛武侯紀功碑誌其碑曰萬歲之后勝吾者過之萬歲陪其碑碑誌曰史萬歲不得在吾碑還為復立今在馬娘寺史公亦有遺像明萬曆間鄒應龍撫滇中試索善赤石崖群盜今

有戴德祠此葉論四道愛也

感通寺在郡南十里點蒼之麓又名嘉山寺峰巒環遶林壑幽深
楊升庵寓寺小閣題曰寫韻樓四壁皆丹青墨妙升庵往來大理
永昌間近四十年訪於舊家得白古遺書峯年運志其書梵文升
庵熟讀其語譯為滇載記南詔始末方得詳條登寫韻樓雜足雪
山橫亘煙雲之表明末滇詩人唐大宋蘇秦號擔當和尚亦寓此
樓壽九十餘樓前白茶花高數丈大數十圍花如玉蘭心殷紅
滇南只此一樹埋條分種皆不活也

崇聖寺又名三塔寺在郡北五里三塔轟峙隔洱海百餘里輒望
見中塔正方磚石甃成高四十八丈十六級絕頂四角範四金鶴
高二丈塔下游人以巨石投地金鶴昂首長鳴音響清越黔國公

楷書山海經四字文石鑿成一字縱橫四丈四石列塔前如屏
銅鐘二各重十萬斤南詔建極十三年造乃唐咸通年也大雄殿
巨麗精巧覆以琉璃瓦墁地並徑丈點蒼石甬道傍紫荆樹亦高
數丈唐朝老梅狀若古松亭亭直上枝幹如檜栢大士像乃天雨
銅汁所鑄高二十四尺滇西兩碑而鐵乃常事不足為怪然其理
不可得而究也

黃花老人石刻草書在崇聖寺寺中有一碗筆法飛舞相傳以換
柳巖巖墨書者老人為宋元間人其書云云未任久仙去四絕句甚
佳其辭曰玉母祠東古佛堂相傳地有日隋唐年深寺廢無人住
滿谷西風栗葉黃手拄一條青竹杖
山更好深谷無人不可駕帝遠名山護元州千家落落嶺西窻山

人乞與山前地鶴托先開二十餘里
天風寒雲欲上三千尺人道高歡燒香會

弘聖寺在郡西二里舊名王舍寺有石丈十六級阿育王建
寺前有楊升庵摹刻禹碑蒼山向有五百寺俱阿育王建今尚存
六十餘處城內大慈大悲文殊普賢藥師與福而晉寧最大為祝
聖所玉局峰下以唐御史杜光庭為之蓋志遠自號青城居士灌
縣人教授大理始開文教龍泉峰下有祭天臺相傳諸葛武侯征
南在蒼洱駐兵數月見玉局峰下颯風一雙飛鳴而過公攬車遍
歷榛莽得峭壁石龕三皇五帝像乃建閣奉像其中而祀之又於
石上鑿八卦今尚存焉

無為寺在蘭峰半巉巖峭壁行茂林數里兩山豁然中開從絕澗

左折入寺有石樓寬三十丈樞衣登之洱海雪山近在几席有香
杪五株大百圍高八九十丈太古時物也昔有二十餘樹喪亂時
為獼蠻伐盡此僅存者

芒湯溪在郡北二十五里昔有三十八庵巖經幽秀天風海濤時
震林木蒼山中巖號雪山有盤石徑丈為禪迦苦行地草石皆作
栴檀香亦名香石巖傍有鳳眼洞有天生木橋其木半月一換四
季長新人跡罕到惟巖徑耳與畢鉢羅崖相近皆巖蒼古跡也然
天生木橋神力半月一換亦曷為哉昔有之不止大理也雲鷲列
刹相望蓋在天竺福負之內為阿育三夜封寺造八萬四千塔大
理塔基數百皆其舊址唐乾德二年詔沙州三百人入天竺求舍
利及梵書至開寶九年始歸其書錄行程曰巍峰曰雞足山曰優

波掬多石室曰王舍城曰鷲峰曰阿耨多羅三藐三菩提曰舍利塔曰畢鉢羅窟
以今考之皆大理古跡也蓋當日由西番入天竺而轉東行以
達大理者緣南詔為蒙氏地而西蜀之道不通也白古通載釋迦
在洱海證如來位而藏中藏釋迦於雲鷲山說法華經其說相合
又釋迦死時迦葉尊者存者闍維山竺人難足難足與靈鷲相望
而畢鉢羅窟舍利塔見存與通紀西番雜俎吳船錄舊唐書俱同
一轍然則世之所謂佛國者即在滇南矣

大理西門外教場每年三月十四十五十六三日為大街子百貨
俱集結節如闌闌文武官吏共出彈壓以防蒼山後生猥搶劫唐
宋元明相沿不廢如小街子逢二五八日聚於各市午過則散矣
大理有風花雪月四景上關花下關風蒼山雪洱海月今花漸伐

無種風則處處有之下關稍甚耳自九月起至次年五月無日不
排山倒嶽破房揭瓦散如雷吼惟黎明少息辰刻復起室山燃燈
八窓洞開燈影不搖九坂下關橋必下蓋整冠否則飛颺而去矣
下關南望萬山壁立一水中通其曲折處即風穴故雖晴和之日
此處仍然大風不息語云兩師舒豎風伯好滇豈風雨果有所好
哉蓋滇西瘴氣特甚有風則散亦上天愛人之至故生風穴於其
間也

洱海源出下關北流合金沙江注焉元江府所謂恒河也海產大
頭魚食之皮脫土人不忌蒼山鯉魚言為河蕞七八月生紅莖碧
葉味辛如芥
櫻桃樹極多大數圍高數十丈白粉花味酸滋味甜翅花遍於籬

落黃色可觀杜鵑有五色蒼花李言華紫紅白四種其大如碗夜
合樹高廣數十畝枝幹扶疎曲折如小山覆錦被絕非江浙
馬纓之比草麻數十年不凋其本言作甚棘土人以之構堂屋番
水如斛大重至數百斤者為大如今蘇杭可成菓二十斛片之可
為舟航梨至有七斤重者

雲南縣古名洱海縣南二十五里為木目山水目梵剎容眾千餘
太和縣城傍蒼山學宮衙舍祠廟皆東向十九峰澗水進城潺湲
不絕故民殷富土肥饒穀穗長至二百八十粒戎菽年前即采供
蔬饌土人謂之大莞豆葉有一百七十七種性良於他產惟附子
自蜀中來土橄攬生籬落間如龍眼色紅黃味同閩中青橄攬黃
柑產賓川者大如碗胡桃皮薄如紙山桃皮厚可榨油榛松皆不

下遠東但味淡少瀝耳花之屬四時不絕雖大雪五色爛熳畧不
萎謝草至五月始生以地不熱之故然花獨不畏寒耶理不可詳
也刺桐花開於七月極紅芳缺地樹山石皆赤惟蘭不香梗葉之
大過蘭二十倍鈎藤亦出蒼山以之釀酒名他魯麻
定西嶺在白崖西北為數千仞豈巖則以如有木可種桑麻百萬
頃也四十里至趙州自湖南展以由音自下而上至鎮遠趨貴
陽俱上大山斗峻險絕之致指羊為馬背之峻而下坦也至定西
而盡其地高中州千有餘里去天又五百里至先照耀如晝天如
覆釜伸手可捫星辰身雖履地自覺懸空至平昌騰越更入霄漢
矣

洱海朝東風暮西風四季不絕其身既未嘗覺恍而行不似篙

擢至八月望夜海中雲霧晦冥萬丈之雲皆見冬日大風海水
倒卓起火光如山

金沙江兩岸皆白沙佛書所記金沙中此也上流即狗頭國今
年大水漂一狗頭人至岸上下衣無同中國口耳眉目皆狗也逾
日得土氣狗人復生問其言答之如狗吠與之飲食大嚼也土官
解未大理軍門府因得寓目後軍門命土官解還原處解人行一
百二十餘日始抵其國國中無城郭有宮室國王朱冠皂履跨白
馬佩刀官吏皆如之服食起居中國同也婚嫁則非金沙江水經
注所謂西洱河也洱水合漾水濔水西南行三日八十里至瀾滄
江即黑水也自黑水東北行九千里達於北京東行七千里達於
江寧大理蓋中國之極西而迤南矣

沅江武定之間有魯葵山方千里民皆蓄髮劫掠流毒官兵不能
制地險絕鴻荒以來未見天日過此則銀場在馬富甲於江浙
文殊寺方大而東雞足當前如列翠屏雞足之東玉峰出天半此
麗江小雪山也登小雪山即望見大雪山矣小雪山亦出雪蛆大
者如兔味如乳酥多食口臭吐血

雞足山在賓川州沅江每四十里乘風而渡兩日到山三峰偃伏
如雞距頂有石門佛大第寺寺前水東流迎水鉢入定於此候
慈氏佛下生乃入涅槃遂藏於石門寺後有自燃泥今不絕大
刹七十二所蘭若三百六十寺其寺多不設僧尼耕父種焉食僧多奉
五大寺最著每寺一尊或五百尊不設僧尼耕父種焉食僧多奉
毛鈎鼻深目穿耳即摩訶目也其寺多不設僧尼耕父種焉食僧多奉

也頗知漢語

三十年不

賓川州瘴氣甚深四五月間多行更有愛鬼者婦女居多或變貓變羊變雞鳴聲多變異為神事則殺而奪其貨村落中或有此種人左右鄰多為字論者否則變生其人面黃眼赤神情恍惚容易識認

金沙江有二在緬甸者流而南在麗江者流而北南趨南極北則遠西極合黃河而入中國皆發源大理之洱海即葉榆澤也黑水源出吐番嶺和哥界而流為瀾滄江以西洱為黑水者非也故足跡不到盡信書不如無書也

騰越鐵少土人以毛竹截斷實米其中熾火煨之竹焦而飯已熟甚香美亦有巢居者語言不通地出琥珀碧玉珍寶彝婦紉葉為

衣飄飄欲仙葉似野栗甚大而柔以耐縫紉且可却雨也

麗江府土府也有同知掌府印知府則木氏世襲見同知甚恭稱公祖自呼曰治晚生景東蒙化三平三郡皆然此三郡不若麗江繁庶余曾至三郡山川草木皆一足紀也麗江通雪山三四日程皆刺麻居止從此達中印度皆俱戴紅帽烏斯藏黃帽僧稱大寶法王紅帽者稱二寶法王皆茹素者以術能變化大寶法王臨死現七十二相故土人皆至禱以山崇佛也行前往往天全六番余昔遊蜀與天全同靈應寺自靈應寺因人真地靈屢甲諸番百貨皆有烏斯藏以竹箭蓬蒿外皆臨安府漢彝雜處所歸之鳥者河邊一樹行有美玉近日三梓徐印祖知石屏以威德以人畏之急也急乎有銅鐵二種每歲百

麗江府志

卷

八類銅色者佳黑燒者亦佳不工者則其色與布斜紋線
織極勤者

徽江府最荒涼然民易治而不事農少其穀簡易為循卓吏
惟路南州稍悍耳然苗稼之息亦甚也
廣西府近安南有莫公峰高萬仞終歲雲霧不開在師宗彌勒之
境惟三月三日起至四月三日止一月號潔道人登其巔望見安
南宮室山中多金銀礦故民物富饒十廣南府不及也
楚雄姚安開化三郡雖相間意遠而風土則相近然肥瘠各異故
貧富不類山川亦有奇異可紀者祠祭亦有絕勝可遊者山若凌
華欺岱眇岳天鐘黃雲紫絲皆秀色可餐川若丹池墨海雲溪波
塘荷澤菱漢皆可濯纓濯足而五邑三州之諸生皆恂恂儒雅敬

慕中國余曾遍遊三郡邑車馬之資飲食之供皆各諸生俸奉諸
生之家即余遊客之卹舍也別時各有遺贈土儀之盛餽贖之豐
多至百金者甚矣文教之重也雖蠻貊之鄉誦詩讀書之人皆知
敬其類而文物之邦其能若是也耶

蒙化府產雞縱菜赤白二種赤色味絕佳其油甘香可調五味椒
油色碧如泉其香如蘭入蔬中食則心肺膈澆濁皆殺

武定府山川亦可流覽但民貧土瘠使於訟悍於鬪有燕趙風所
屬祿勸州有洪冶山巔有大絕險如削

永昌府瘴癘最濃產寶石極者曰紅璋瓦井中吐圓者子光潤如
玉琢勝會城出者鐵索橋極其壯也山巔之盤江有倍然窄
易渡耳

真西多蜜餞物蜜甚多異人樓居人若以長線繫其腰以色紙
迎風放之乃集衆荷各鐘隨行或登山或峰入王數從而極之其
穴大如城郭輒得蜜數百斛或噴香粉燈楮木灰香圓梅李川
芎瓜茄多以蜜漬供宏復以酒醉野蜂如親友如温台之海味也
蚱蜢油炙如鰕或晒乾下酒保男婦小兒元草中蝨斯之屬即
歡笑撲取火燎其毛齧吞之
滇中苗保焚燬磨步之屬擔負貨物項戴草木枷徒行亦不暫脫
相傳武侯定南蠻設此號令群蠻使其不敢與漢人為伍以別貴
賤殊不知非也彼戴木枷者殆可負重以便工作耳

京東考古錄

崑山顧炎武寧人著

考薊

漢書薊古燕國召公祈封後漢書薊本燕國刺史治自七國時燕
都于此項羽立臧荼為燕王都薊高帝因之為燕國元鳳元年燕
刺王旦自殺國除為廣陽郡本始元年為廣陽國建武十三年省
屬上國永平八年一作永元六年復為廣陽郡晉復為燕國魏為燕郡隋
開皇初廢大業初置涿郡唐天寶元年更名范陽郡並治薊水經
注濕水過廣陽縣北又東至漁陽雍奴縣注今城內西北隅有薊
丘因丘以名邑也後漢書彭寵傳寵反漁陽自將二萬餘人攻朱
浮于薊晉書紀載魏圍燕中山清河王會自龍城遣兵赴救建武

將軍餘崇為前鋒至漁陽過魏千餘騎鼓噪直進殺十餘人魏騎遁去崇亦引還會乃上道徐進始達薊城即此三事可見薊在漁陽之西唐書地理志幽州范陽郡治薊開元十八年析置薊州漁陽郡治漁陽及遠改薊為折津縣因此薊之名遂泯于此而存于彼今人乃以漁陽為薊而忘其本矣史記樂毅書薊丘之植植于汶篁一統志云城西北隅即古薊門舊有樓館並廢但門外存二土阜旁多林木頗為近之

禮記樂記武王克殷反商未及下車而封黃帝之後於薊水經注後疏云今涿郡薊縣是也即燕國之都孔安國司馬遷及鄭皆云燕祖召公與周同姓案黃帝姓姬召益其後也而皇甫謐以召公為文王之庶子考之史傳更無所出又左傳富辰之言亦無燕也

案先儒之說以薊與燕國為一史記燕世家武王滅紂封召公于北燕索隱曰北燕今在幽州薊縣故城蓋一地不容封二國故疑召公即黃帝之後其不曰燕而曰薊者有南北二燕故稱其國都以明之也

補註漢書二燕傳

漢書燕王定國傳殺肥如令卸人案地理志肥如自屬遼西郡不屬燕武帝本紀元朔元年秋匈奴入遼西殺太守諸侯王表言武帝下推恩之令而藩國自析長沙燕雖有舊名皆亡南北邊矣然則肥如令之殺于燕必在元朔以前秦析邊郡之時也燕王旦傳發民會圍大獵文安縣以講士馬其上云武帝時旦坐滅匡亡命削良鄉安次文安三縣是文安已削不屬燕又云昭帝立大將軍

霍光秉政褒賜燕王錢三十萬益封萬三千戶昭帝本紀亦云始
元元年益封燕王廣陵王及鄂邑長公主各萬三千戶然則文安
縣之仍屬于燕又在益封萬三千戶之後也此皆史文之互見者
可以參考而得之也

考金陵

一統志金太祖陵世宗陵俱在房山縣西二十里三山峰下宣宗
陵章宗陵俱在房山縣西大房山東北案金史海陵紀貞元三年
三月乙卯命以大房山雲峰寺為山陵建行宮其麓五月乙卯命
判太宗正事京等如上京奉遷太祖太宗梓宮十一月乙巳朔梓
宮發丕承殿戊申山陵禮成正隆九年七月己酉命太保昂如上
京奉遷始祖以下梓宮八月丁丑如大房山行視山陵十月己酉

葬始祖以下十帝于大房山閏月己亥朔山陵禮成又太祖紀太
祖葬睿陵太宗紀太宗葬恭陵世宗紀世宗葬興陵章宗紀章宗
葬道陵又熙宗紀帝被弑葬于皇后裴滿氏墓中貞元三年改葬
于大房山蓼香甸諸王同兆域大定初追上謚號陵曰思陵二十
八年改葬于蛾眉谷仍號思陵又海陵紀葬于大房山鹿門谷後
降為庶人改葬于山陵西南四十里大睿宗紀大定二年改葬于
大房山號景陵顯宗紀大定三十五年十一月庚寅葬于大房山
章宗即位號曰裕陵是則金代之陵自上京而遷者十二帝其陵
曰光曰熙曰建曰輝曰安曰定曰承曰泰曰獻曰喬曰睿曰恭其
廟于中都而葬者二帝其陵曰興曰道被弑者一帝其陵曰思追
謚者二帝其陵曰景曰裕被弑而降為庶人者一帝葬在兆域之

外而宣宗則自即位之二年遷於西京三年五月中都為蒙古所陷葬在大梁非房山矣今一統志止有四陵而誤與宣宗又躋于章宗之上諸臣不學之甚也

辨一統志遼陵之誤

一統志遼章宗陵在三河縣五十五里考遼無章宗具一代諸帝亦無葬三河者

辨一統志密雲之誤

一統志引古事舛戾最多未有若密雲之可笑者晉書石季龍紀載段遼棄令史奔密雲山遣使詐降季龍使征東將軍麻秋迎之遼又遣使降于慕容皝曰胡貪而無謀吾今請降求迎彼不疑也若伏重兵以邀之可以得志皝遣子恪伏兵于密雲麻秋統眾三

萬迎遼為恪所襲死者十六七秋步遁而歸是段遼與燕合謀而敗趙之兵也今一統志云密雲山在密雲縣南一十五里亦名橫石昔燕趙伏兵于此大獲遼眾是反以為趙與燕謀而敗遼之眾又不言段而言遠似以遠為國名豈脩志諸臣并晉書而未之見乎

攷臨胸縣

一統志三河在漢臨胸縣地今考二漢書並無臨胸縣唐書地理志幽州范陽郡潞縣下云武德二年置臨胸縣貞觀元年省臨胸而薊州漁陽郡三河下云開元四年置潞縣置故知本是一地先分為臨胸後分為三河皆自唐非漢也

考夏謙澤

晉書紀載慕容寶書從薊中府庫北趨龍城魏石河頭引兵追及之于夏謙澤胡三省通鑑注夏謙澤在薊北二百餘里恐非棠水經注鮑丘水東南流逕潞城南又東南入夏澤澤南紆曲渚一十餘里北佩謙澤渺望無限也下云鮑丘水又東與胸河合三河志鮑丘河在縣西二十五里源自口外源流經九莊嶺過家雲合人溪至通州之米莊村合沽水入胸河今三河縣西三十里地名夏店舊有驛鮑丘水逕其下而胸河自縣城南至寶坻下入于海疑夏店之名因古夏澤東望皆陂澤與經注正合自薊至龍城此其孔道實以丙辰行魏人以戊午及之相距二日適當其地也

辨石門

後漢書公孫瓚傳中平中張純與烏桓立力居等入寇瓚追擊戰

于屬國石門大敗之註石門山在今營州柳城縣西南而水經注云灑水又東南逕石門峽山高嶄絕壁立洞開俗謂之石門口漢中平五年公孫瓚討張純戰于石門大破之今薊州東北六十里石門驛即水經注之石門是也案史本紀但言石門而傳言屬國石門明有兩石門水經注所指乃漁陽之石門非遼東屬國之石門當以柳城為是通典柳城在石門山

辨一統志揚谷公祠之誤

一統志揚谷公祠在密雲縣古北口祀宋楊業案楊業傳業本太原降將太宗以業老于邊事遷代州兼三交驛拍兵馬都部署會契丹入雁門業領麾下數千騎自西京而由南小徑至雁門北口南嚮背擊之契丹大敗以功遷雲州觀察使雍熙三年大兵北征

以忠武軍節度使潘美為雲應路都部署命業副之以西上閣
使蔚州刺史王侁軍器庫使順州團練使劉文裕護其軍諸軍
拔雲應寰朔四州師次桑乾河會曹彬之師不利諸路班師美等
歸代州未幾詔遷四州之民于內地令美等以所部兵護之時契
丹復陷寰州侁令業趨雁門北川業以為必敗不可侁逼之行業
指陳家谷口曰諸君於此張步弓強弩為左右翼以援美與侁領
麾下兵陳于谷口自寅至巳侁使人登托邏臺望之以為契丹敗
走欲爭其功即領兵離谷口美不能制乃緣交河西南行二十里
俄聞業敗即麾兵却走業力戰至谷口望見無人即拊膺大慟再
率帳下士力戰身被數十創士卒殆盡業猶手刃數十人馬重傷
不能進為契丹所擒不食三日死是業生平未嘗至燕况古北口

又在燕東北二百餘里地屬契丹久矣業安得而至此且史明言
雁門之北口而以為密雲之古北口是作志者東西尚不辨何論
史傳哉又按遼史聖宗紀統和四年七月丙子樞密使斜軫奏復
朔州擒宋將楊繼業耶律斜軫傳繼業敗走至狼牙村衆軍皆潰
繼業為飛矢所中被擒與宋史略同密雲縣志威靈廟在古北口
北門外一里祀宋贈太尉大同軍節度使楊公成化十八年禮部
尚書周洪範記引宋史全文而不辨雁門北口之非其地豐潤縣
志令公村在縣西十五里宋楊業屯兵拒遼于此有功故名並承
一統志而誤

考盧師山

仁宗實錄熙熙元年二月乙卯封大青龍神為弘濟大青龍神小

青龍神為靈顯小青龍神賜名所居山為翠微山遣成國公朱勇
諭祭仍命禮部歲以春秋仲月遣順天府官致祭蓋京師平則門
外三十里盧師山有潭世傳有大小二青龍出沒不時遇旱致禱
輒雨及是夏不雨遂即其山禱焉雨隨注故有是命大明一統志
盧師山在府城西三十里隋沙門盧師馴伏青龍之所今考元史
呂思誠傳云為景州蓀縣尹天旱道士持青蛇曰盧師谷小青謂
蛇也禱之即雨思誠以其惑人殺蛇遂道士雨亦隨至遂有年則
是元時已有此說又考唐書常挺傳云挺遣燕州司馬王安德行
渠作漕艦運糧自桑乾水抵盧思臺行百里渠塞不可通挺以方
苦寒未可進遂下米臺側磨之待米泔乃運則盧師或盧思之誤
辨遠史引公孫度平州之誤

晉書平州禹貢冀州之域於周為幽州畝漢屬右北平郡後漢末
公孫度自號平州牧及其子康康子淵並據遼東魏分遼東昌黎
玄菟帶方樂浪五郡為平州後還合為幽州咸寧二年十月分昌
黎遼東玄菟帶方樂浪等郡國五置平州治昌黎是則公孫度之
平州乃遼東而咸寧所置之平州乃柳城即昌黎也魏書營州領
郡六其一曰昌黎晉分遼東置領縣三其一曰龍城太平真君八
年併柳城昌黎棘城屬焉有堯祠榆頓城狼水隋書遼西郡統縣
一柳城本魏龍城縣開皇元年改為龍山縣十八年改為柳城縣
而平州之名則自魏更立于遼西魏書平州領郡二其一曰遼西
領縣三其一曰肥如獨其于平州之下注云晉置治肥如城未甚
詳明其曰晉置者謂平州之名始立于晉也其曰治肥如城者謂

魏之平州治肥如也上下本不相蒙且如遼西郡下注云秦置亦謂遼西之名立于秦也豈可以秦之遼西亦治肥如乎以此例之可見矣隋唐二書並未有誤至遼史于平州遼興軍下云漢末公孫度所有傳子康孫淵是誤以拓拔氏之平州為公孫度之平州矣灤州下亦云不知其時皆曹氏所有也

正後漢志誤字

後漢志遼東屬國下云昌遼故天遼屬遼西考之前代史書並無昌遼之名而前漢亦無天遼疑當作昌黎故交黎屬遼西以漢書證之遼西郡交黎下云東部都尉治應劭曰今昌黎又胡三省通鑑注云昌黎今交黎縣屬遼西郡後漢屬遼東屬國都尉此後人為刻之誤可以意改者也

辨柳城

史言慕容皝以柳城之北龍山之西福德之地乃營立宗廟宮闕命曰龍城一統志柳城在永平府西二十里龍山在府西四十里永平府舊志柳城在昌黎縣西南六十里漢末為烏桓所據曹操滅之歷魏晉為慕容氏父子所據隋置縣屬遼西郡唐置營州元省入昌黎為靜安社二說不同今府西二十里全無遺跡而靜安社則嘉靖三十一年立為堡然皆非柳城之舊也案唐書營州柳城郡下云城西四百八十里有渝關守浞城又云西北接奚北接契丹通典營州柳城郡下云東至遼河四百八十里南至海二百六十里西至北平郡七百里北至契丹畝五十里東南到安東府二百七十里西南到北平七百里西北至契丹畝七十里東北到

契丹畝九十里而平州北平郡下云東至柳城郡七百里西至漁陽郡三百里東北到柳城郡七百里是柳城在今永平之東北七百里而慕容氏之龍城昌黎及魏以後之營州並在其地唐萬歲通天元年為契丹所陷聖曆二年僑治漁陽開元五年又還治柳城而今之昌黎乃昔之廣寧縣夫定二十九年改為昌黎名同而地異也

三國志魏武用田疇言上徐無山塹山堙谷五百餘里經白檀歷平岡涉鮮卑庭東至柳城徐無山在今玉田則柳城在玉田之東北數百里也北齊書顯祖伐契丹以十月丁酉至平州從西道趨長塹辛丑至白狼城壬寅至昌黎城是昌黎在平州之東北齊主之行急猶五日而後至也隋書漢王諒伐高麗軍出臨渝關至柳

城唐書太宗伐高麗還以十月丙午次營州詔遼東戰七士卒骸骨並集柳城東南命有司設太牢上自作文以祭之丙辰皇太子迎謁于臨渝關在今撫寧之東則柳城又在其東太宗之行遲故十日而後至也

遼史載柳城曰興中府古孤竹國漢柳城縣地慕容皝以柳城之北龍城之南福德之地乃築龍城構宮廟改柳城為柳城縣而遷都之號曰和龍宮慕容垂復居焉

垂都龍其下寶始遷龍城也

後為馮跋所滅

高雲滅慕容氏馮跋代高雲非跋滅慕容氏也魏取之為遼西郡隋平高寶寧置營州煬帝改柳州郡唐武德初改營州總管府尋為都督府萬歲通天元年陷李萬榮神龍初徙府幽州開元四年復治柳城八年徙漁陽十年還柳城後為奚所據太祖平奚及俘燕氏將建城命韓知方

擇其處乃完葺柳城號霸州彰武節度使重熙十年升興中府有大華山小華山香高山麝香岷天授皇帝刻石在焉駐龍峪神射泉小龍河統州二縣四其一曰興中縣奉漢柳城縣地太祖掠漢民居此置霸城縣重熙中置府更名此文述柳城之故頗為詳備元世祖至元七年十月己丑降興中府為州以地圖按之當在今前屯衛之北但唐書平州下云又有柳城軍永泰元年置蓋唐時柳城之地屢被陷沒移遷無常此其在平州者或即今之靜安社未可知然不可以永泰元年之柳城為古之柳城也

一統志采輯諸書不出一人之手如柳城廢縣既云在府城西二十里矣而于土產則曰人參麝香豹尾俱廢柳城縣出今府西二十里乃灤河之西洞山之南沙土之地其能出此三物乎案唐書

營州柳城郡貢人獲麝香豹尾皮骨融志本引之而不知府西二十里之誤也

考昌黎

案昌黎有五漢書遼西郡之縣其八曰昌黎渝水首受塞外南入海東部都尉治應劭曰今昌黎通鑑注昌黎漢交黎縣屬遼西郡後漢屬遼東屬國都尉魏齊王正始五年鮮卑內附復置遼東屬國立昌黎縣以居之後立昌黎郡晉書武帝紀太康二年慕容廆寇昌黎二年安北將軍嚴詢敗慕容廆于昌黎成帝咸康二年慕容皝自昌黎東踐水而進凡三百餘里至歷林口是則渝水下流而當海口此一昌黎也晉書紀載慕容皝徙昌黎郡又云破宇文歸之衆徙其部人五萬餘落于昌黎及慕容盛之世有昌黎尹張

順劉忠高雲以馮素弗為昌黎尹馮瑒之世有昌黎尹孫伯仁以
史考之當去龍城不遠此又一昌黎也魏併柳城昌黎棘城于龍
城而立昌黎為郡志云有堯祠榆頓城狼水而列傳如韓麒麟韓
秀谷渾孫紹之倫皆昌黎人即燕之舊都龍城此又一昌黎也齊
以後昌黎之名廢至唐太宗貞觀二年更崇州為北黎州治營州
之東北廢陽師鎮八年復為崇州置昌黎縣後淪于奚遼史建州
永康縣本唐昌黎縣地此又一昌黎也遼太祖以定州俘戶置營
鄰海軍其縣一曰廣寧金世宗大定二十九年改為昌黎相沿以
至于今在府城東南七十里此又一昌黎也郭造卿永平志辨昌
黎有二而不知其有五今序而列之以古者可以無惑焉

韓文公多自稱昌黎唐書載韓氏世之則云漢弓高侯顏當裔孫

世居潁川徙安定武安常山九門而生安定桓王茂為公之六世
祖與昌黎之韓支派各別故先儒以為公之自稱本其郡望宋元
豐七年封公為昌黎伯亦是取其本望如韓擇木封昌黎伯韓長
鸞韓建封昌黎王之比若昌黎之韓寂著于魏如麒麟顯宗史明
言其為昌黎棘城人又非今日之昌黎也然則文公之沒二百六
十年而始封昌黎伯又一百六年而始立今之昌黎縣以金之縣
而合宋之封遂謂文公為此縣之人其亦未之考矣

考石城

漢右北平郡之縣十六其三曰石城後漢無之蓋光武所併省也
至燕分置石城郡考之通鑑及晉載紀得二事慕容寶宿廣都黃
榆客清河王會勒兵攻寶寶師輕騎馳二百里晡時至龍城會遣

騎追至石城不及是廣都去龍城二百里而石城在其中間也慕容熙敗于北原石城令高和與高方兵于後作亂註云高和本為石城令時以大喪會于龍城是石城去龍城不遠也魏書地形志廣興下云有雞鳴山石城大柳城此即漢之石城矣魏太平真君八年置建德郡治白狼城領縣三其一曰石城有白鹿山祠其二曰廣都水經注石城川水出西南石城山東流逕石城縣故城南北屈逕白鹿山西即白狼山也又東北入廣成縣東廣成即廣都城燕之石城在廣都之東北而此在廣都之西南是魏之石城非燕之石城矣隋書始無石城云北齊廢之而唐書平州石城下云本臨渝武德七年省貞觀十五年置萬歲通天二年更名有臨渝關有大海有碣石山是武后所改名之石城又非魏之石城矣遠

史灤州統縣三其三曰石城下云唐貞觀中于此置臨渝縣萬歲通天元年改石城縣在灤州南三十里唐儀鳳石刻在焉今縣又在其南五十里遠徙置以就鹽官是遠之石城又非唐之石城矣今之開平中七衛自永樂三年徙于石城廢焉在灤州西九十里乃遠之石城而一統志以為漢舊縣何其謬與

考宋史營平灤三州之誤

宋史言朝廷與金約滅遼止宋晉賂契丹之地而不思營平灤三州非晉賂乃劉仁恭獻契丹以求援者既而王朮悔欲併得之遣趙良嗣往請之再三金人不與此史家之誤案通鑑初幽州北七百里有渝關下有渝水通海自關東北循海有道道狹處纔數尺旁皆亂山高峻不可越北至進牛口舊置八防禦軍募土兵守之

田租皆供軍食不入于前幽州歲致繒纈以供戰士衣每歲早獲
清野堅壁以待契丹契丹至輒閉壁不戰保其去選驍勇據隘邀
之契丹常失利走土兵皆自為田園力戰有功則賜勳加賞由是
契丹不敢輕入寇及周德威為盧龍節度使恃勇不修邊備遂失
渝關之險契丹每芻牧于營平之間又案遠史太祖天贊二年春
正月丙申大元帥堯骨克平州獲刺史趙思溫裨將張崇二月如
平州甲子以平州為盧龍軍置節度使遠之天贊二乃後唐莊宗
同光元年是營平二州契丹自以兵力取之于唐而不於劉仁恭
又非賂以求援也若灤本平州之地遠太祖以浮戶置灤州當劉
仁恭時尚未有此州尤為無據此亦史家千年未正之誤遠史于
灤州下云石晉割地在平州之境亦誤也

考契丹所得十六州

世言燕雲十六州自石敬瑭以賂契丹不屬中國者四百四十餘
年蓋不盡然考之于史晉高祖所割以禪契丹者山前之州也曰
幽今順天府曰薊今前曰瀛今河間府曰莫今任丘縣曰涿今涿州曰檀今密雲縣曰順
義今順曰山後之州九曰新今保定府曰瀋今延慶州曰儒今永寧縣曰武今在朔州西境曰
雲今大曰應今應曰寰今馬邑縣曰朔今朔州曰蔚今蔚州而營平二州則
後唐時契丹自以兵取之矣其後周世宗復瀾南北則瀛莫二州
復歸中國而其餘十四州遠論于契丹并所取營平二州亦遠得
十六之數若霸州乃周世宗所置灤州乃契丹所置又不在十六
州之內者也

辨宥徒

漢書遼西郡賓徒縣莽曰勉武今本亦有作賓徒者後漢書遼東
屬國賓徒故屬遼西通鑑晉魏王倫貶吳王宴為賓徒縣王秦符
璽封慕容垂為賓徒侯並取此為名晉書載記作賓都侯都之與
徒以音相近而轉尤為明證而遼史則云中京大定府長安縣本
漢賓從縣地勸農縣本漢賓從縣地此承漢志傳寫之訛而未考
後漢晉二書也

辨龍城

案史有兩龍城漢書匈奴傳匈奴諸王長少五月大會龍城祭其
先天地鬼神武帝本紀元光五年車騎將軍青至龍城獲首虜七
百級衛青傳作龍城註龍與龍同此一龍城也晉書載記慕容皝
築城于柳城之北龍城之西立宗廟宮闕命曰龍城此又一龍城

也六朝以下文人多用龍城隋煬帝與史祥書望龍城而衝寇盼
狼居而發憤自此遙相祖襲皆匈奴傳之龍城耳

辨一統志朝鮮

漢書地理志樂浪郡之縣二十五其一曰朝鮮應劭曰故朝鮮國
武王封箕子于此志曰殷道衰箕子去之朝鮮在今高麗國境內
慕容氏于營州之境立朝鮮縣魏又于平州之境立朝鮮縣但取
其名與漢縣相去則千有餘里一統志乃曰朝鮮城在永平府境
內箕子受封之城當日儒臣令猶知古今者為之何至於此為
之大息通鑑朝鮮今係原
非箕子朝鮮也

辨三韓

今人謂遼東為三韓不知其何取考晉書韓種有三一曰馬韓二

曰辰韓三曰弁韓辰韓在帶方南東西以海為限馬韓居山海之間無城郭凡有小國五十六大者萬戶小者數千家各有渠帥又曰辰韓在馬韓之東自言秦之亡人避後入韓韓割東訐以居之立城冊言語有類秦人由是或謂之秦韓初有六國後稍分為十二又有弁韓亦十二國合四五萬戶各有渠帥皆屬於辰韓辰韓常用馬韓人作主雖世世相承而不得自立明其流移之人故為馬韓所制也又載其習俗器用朝貢之詳甚具遠史高州三韓縣辰韓為扶餘弁韓為新羅馬韓為高麗開秦中聖宗伐高麗俘三國之遺人置縣據此則三韓並是東彝之國種類各殊而遠東乃漢晉時內地焉得以三韓目之近代文人用古而不求所出其誤也久矣

辨張公素

一統志永平府名宦有唐張仲素德宗時以列將事盧龍軍節度使張允仲擢平州刺史允仲卒詔仲素代為節度使同平章事考之唐書藩鎮列傳則云張仲武為盧龍節度使破降回鶻又破奚北部及山奚累擢檢校司徒同中書門下平章事卒于直方多不法畏下變起奔京師軍中以張允仲總後務張公素以列將事允仲擢平州刺史允仲卒子簡會為副大使公素以兵來會喪簡會出奔詔以公素為節度使性暴厲賄于多白燕人號白眼相公為李茂勳所襲奔京師貶復州司戶奉軍素盧龍節度使前後三人皆張姓曰仲武曰允仲曰公素今乃合二名而曰仲素及詳其歷官即公素也又其遷簡會在懿宗咸通十三年去德宗時甚遠且

又安取此篡奪暴虐之人而蔽之名室乎今鑿州乃祀之名室祠
吁其辱朝廷之典而貽千載之笑也

考長城

長城不獨北邊也其在中國亦有之史記蘇代傳燕王曰齊有長
城鉅防足以為寒竹書紀年聖惠王二十年齊閔王築防以為長
城後漢志濟北國盧有長城至東海山海經云大山下有一千餘里至琅邪
臺入此齊之長城也史記蘇秦傳說魏襄王曰西有長城之防後
漢志河南郡有長城經陽武到密此魏之長城也其在此邊者史
記匈奴傳秦宣太后起兵伐殘義渠于是秦有隴西北地上郡築
長城以拒胡此秦之長城也趙武靈王北破林胡樓煩築長城正義
曰括地志云趙武靈王長城在朔方自代至陰山
陰山在河南陽山北也正義

曰括地志云陰山在下至高關為塞徐廣曰在朔方正義曰地理
朔州絕塞外突厥界志云朔方臨戎縣北有連山
險于長城其山中斷兩嶺俱峻俗為高關也而置雲中鴈門代即此趙之長城也燕將

秦開襲破東胡却千餘里燕亦築長城自造陽章昭曰地名
曰按上谷至襄平今遼東所里也置上谷漁陽右北平遼西遼東
郡以拒胡此燕之長城也秦滅六國而始皇帝使蒙恬將十萬之

眾北擊胡悉收河南地因河為塞索隱曰按太康地記秦塞自五
音山高漢築四十四縣城臨河從造咸以充之而通直道蘇林曰
陽西也也自九原至雲陽正義曰韋昭云九原縣屬五原

去長安千里正南自九原至雲陽正義曰韋昭云九原縣屬五原
秦九原郡漢武帝更名在雲陽正義曰韋昭云九原縣屬五原
宮在焉又云秦故道在慶州正義曰韋昭云九原縣屬五原
原至雲陽因邊山險壑谷可繼者殆之起臨洮至遼東萬餘里
千八百里索隱曰臨洮在秦長城首起嶺州西十二里延袤萬餘里東入遼水又

况於

其

度河據陽山北假中北假北方田官生以田假與人故云北假
北假地名正義曰括地志云原即河日題故城在北假中
北假在河北今屬勝州築城縣築書王莽傳云五原北假青壤植
發此秦并天下之後所築之長城也自此以後則漢武帝元朔二
年遣將軍衛青等擊匈奴取河內地築朔方復繕故秦時蒙恬所
為塞因河為固北齊天保二年自黃龍嶺起長城北至社平戌四
百餘里置三十六戍通鑑注此長城蓋起于六年發民一百八十
萬築長城自幽州夏口西至恒州九百餘里通鑑注幽州夏口即
都縣而北七年自西河總秦成築長城東至于海前後所築東西
有居庸關凡三千餘里率十里一戍其要害置州鎮凡二十五所周靜帝大
象元年發山東民築長城立亭障西自鴈門東至碣石隋文帝開
皇五年使司農少卿崔仲方發丁三萬于朔方靈武築長城東距

山東考古錄

崑山顧炎武寧人著

華不注解

華不注伏琛三齊記云不音附讀如詩鄂不韡韡之不謂花蒂也
言此山孤秀如花附之注于水也按詩箋云承華者鄂不當作附
鄂足也疏云華下有鄂鄂下有附也古音不附同左傳成公十六
年有韡韡之附注註云韡韡戎服若袴而屬于附與袴通疏云自
腰以下而注于脚當是古人有此語耳

辨靡笄

齊乘華不注亦名靡笄山非也左傳云從齊師于華云六月壬申
師至于靡笄之下云癸酉師陳于鞌曰逐之三周華不注曰丑父

使公下如華泉取飲其文自有次第葦在華不注之西而靡笄又在其西可知金史長清有劇笄山

考古地里

戰于葦與三周華不注同是一日計不甚遠而穀梁傳曰葦去國五百里者據公羊傳注古六尺為步三百步為里今以三百六十步為里而尺又大于古四之一今之六十二里遂當古之百里今歷城至臨淄正符此數孟子千里而見王以今計之自鄒至齊亦不過六百里也後漢書耿弇與張步戰于臨淄東城下追至鉅昧水上八九里僵尸相屬今臨淄至鉅昧水亦止六十里耳

考五帝

華不注山下有廟內安五帝像及主而書其主曰青帝句芒氏赤華不注山下有廟內安五帝像及主而書其主曰青帝句芒氏赤于朔方以東緣邊險要築數十城七年發丁男十萬餘人脩長城二旬而罷史所載長城之事如此

其下... 考古... 五帝... 二百里... 千... 西...

帝祝融氏白帝蓐收氏黑帝玄冥氏其中獨無黃帝不知何人所
 為歷城志云舊為華陽宮嘉靖十一年巡撫袁宗儒改為崇正祠
 提學陸載記祀逢丑父閔子騫兩庶祀鐵鉉等二十二人黃福等
 十九人今廢仍為華陽宮祀四季之神稱為四季尤不可解按禮
 記月令春其帝太皞其神句芒夏其帝炎帝其神祝融季夏其帝
 黃帝其神后土秋其帝少昊其神蓐收冬其帝顓頊其神玄冥此
 五帝與五行之官各有其神又載其州宰也季康子問于孔子曰
 舊聞五帝之名而不知其實請問何如孔子曰丘也聞諸老
 聃曰天有五行木火金水土分時化育以成萬物其神謂之五帝
 古之王者易代而改號其法五行更王終始相生亦象其義
 故其生為明王者死為文五行是以太皞配木炎帝配火黃帝配

五帝本紀
 卷之六

土少皞配金頊頊配木康子曰太極其始於太極如孔子曰五行
用事先起于木木東方萬物之初皆出焉是故王者則之而首以
木德王天下其次則以相生之旨轉相承也康子曰吾聞句芒為
木正祝融為火正蓐收為金正玄冥為水正后土為土正此五行
之主而不亂稱曰帝者何也孔子曰凡五正者五行之官名五行
佐成上帝而稱五帝太皞之屬配焉亦云帝從其號昔少皞氏之
子有四叔曰重曰該曰修曰熙實能金木及水使重為句芒該為
蓐收修及熙為玄冥頊頊之子曰黎為祝融共工氏之子曰句龍
為后土此五者各以其所能業為官職生為上公死為貴神別稱
五祀不得同帝今乃合之為一豈非并月令家語而未之見者乎

考歷山下大澗

昔之守濟南者以澗為固元史史樞傳李璵叛據濟南樞從久天
澤往討之城西南有大澗亘歷山樞一軍獨當其險夾澗而陣董
搏霄傳賊眾自南山來攻濟南望之兩山皆赤搏霄按兵城中先
以數十騎挑之賊悉來圍騎兵少卻至澗上伏兵起遂合戰城中
兵大出大破之今其遺跡不復可考志書亦不載此二事

考靈巖寺

靈巖在宋時為山名劉士大夫來者往往與寺僧酬和迄今幾
五百年屢經兵火而石剎之存者尚有數十可以想見當時之盛
自金之末年遂為兵燹之地金史疾熱傳擊行省事于東平權本
路兵馬都總管請駐兵于長清之靈巖寺有屋三百餘間且連接
泰安之天勝寨為一兵束足相應援元史嚴實備泰安張汝楫據

靈囿遺別將攻長清實就之此皆一方大事而志不之及即石
刻僅錄十一而近世之製多為人取用不存良可惜也

古時帝王巡狩東嶽二抵自兗州而東唯唐高宗自齊州而南舊
唐書本紀麟德二年十二月丙辰發靈囿頓至泰山下

考鐵

漢特濟南為產鐵之地後漢志言東平後有鐵厓厥有鐵又韓稜
傳肅宗賜陳寵寶劍曰濟南惟成陸惟直垣反漢官作鍛成是不
惟產鐵又出名劍今府學之鐵牛靈囿寺之鐵架棠皆鐵之精英
發見于地上者也

考竹

北方古稱多竹之地有三淇渭汶史記河渠書下淇園之竹以為

榘後漢書寇恂傳伐淇園之竹為矢百餘萬此衛竹也史記貨殖
傳渭川千畝竹漢書有司竹監此秦竹也樂毅報燕惠王書薊丘
之植植于汶篁潘岳笙賦鄒魯之珍有汶陽之孤篠焉而古詩亦
云冉冉生竹託根泰山阿此魯竹也又左傳齊人弑懿公納諸
竹中而晉師焚中池之竹未則齊都之旁亦有竹矣今語北人種
竹輒云土性不宜何也

辨魯地為古徐州

晉書天文志沂蒙分野不足信其言有元帝紀徐州又云泰山
八角十二度濟北人志云是按泰山在東平時為魯境上濟北即
治盧在春秋時為齊之近泰山之陽則魯其陰則齊唐書天文
志岱嶽眾山之陰為魯是魯眾山之陽為齊其說甚當焉

貢徐州之北青州之西南皆距泰山郡乃古徐州之地古之兗州在濟河之間晉志不難元以今之兗州為古之兗州遂以應元元之分以合于史記天官書之說然氏譏其不知地理信矣

辨無字碑為漢石

嶽頂無字碑世傳為秦始皇立於秦碑在玉女池上李斯篆書高不過四五尺而銘文并二世詔書處其不當又立此大碑也考之宋以前亦無此說因取史記反復讀之知為漢武帝所立也史記秦始皇本紀云上泰山立石封祠祀其下云刻所立石是秦石有文字之證今李斯碑是也封禪書云東上泰山泰山之草木葉未生乃令人上石立之泰山巔上遂東巡海上四月還至奉高上泰山封而不言刻石是漢石無文字之證今碑是也後漢書祭祀志

亦云上東上泰山乃上石立之泰山巔然則此無字碑明為漢武帝所立而後之不讀史者誤以為秦耳

始皇刻石之處凡六史記書之甚明于鄒嶧山則上云立石下云刻石頌秦德于泰山則上云立石下云刻石于之罘則二十八年云立石二十九年云刻石于琅邪則云立石刻頌秦德于會稽則云立石刻頌秦德無不先言立後言刻者惟于碣石則云刻石碣門門自是石不類也古人作史文字之密如此使秦皇別立此石秦史焉得不使漢武有文刻石漢史又安敢不錄乎

辨高里山

泰安州西南二里俗名高里山尋高里山之說也史記封禪書十二月甲午朔上親禪高里山漢書武帝紀太初元年十二月禪高里

注伏巖曰山名在秦山下乃著萬里之名見于古挽歌不言其地
漢書武五子傳萬里傳合郭門明注無古曰萬里死人里墓若此
山為死人之里武帝何所取而得登之乎自晉陸機泰山吟始以
梁父萬里並列而後之言鬼者用之蓋合古昔帝王降禪之壇一
變而為閻王鬼伯之祠矣

漢書上親禪高里師古注曰此高字本作高下之高而死人之里
謂之萬里其字為遂萬之萬或者誤以高里為萬里混同一事陸
士衡尚不免况餘人乎

原鬼

予嘗考泰山之故仙論起于周末鬼論起于漢末左氏國語未有
封禪之文是知三代以上無仙論也史記漢書未有考鬼之說是

知元成以上無鬼論也遁甲開山圖曰泰山在左亢父在右亢父
知生梁父主死博物志曰泰山一曰天孫言為天帝之孫主召人
魂魄知生命之長短此二者皆其說之所本其初見于史者則漢
書方術傳許峻自云嘗病三年不愈乃謁泰山請命烏桓傳死
者神靈歸赤山赤山在遼東西北數千里如中國人死者魂神歸
泰山也三國志管輅傳謂其弟辰曰但恐至泰山治鬼不得治生
人如何而劉楨贈左官中郎將詩言曰嘗恐辭祭宗不復見故人
然則鬼論之興其在東漢之世乎
或曰地獄之說本于宋玉招魂之篇蓋人主伯則夜人羅刹之論
也爛土雷淵則乃小劍器之地也雖又人之寓言而意已近之矣
于是漢魏以下之人運其說而附之釋氏之書皆宋儒胡寅謂

考古錄

重

閻立本寫地獄變相而西與朱俊臣得之以齋其時人孰知宋玉
之文實為之祖孔子謂為備者不仁有以也夫

辨漆河

嶽之西南有水出谷中而西流自大谷口至荆城之西而南流入
于泮曰漆河其水在高里山之左有橋跨之曰漆河橋世傳人死
魂不得過而曰奈河此如漢高帝云相人者通於人也

考社首

史記周成王封泰山禪社首唐書高宗乾封元年正月庚午禪社
首玄宗開元十三年十一月辛卯禪社首宋史真宗大中祥符元
年十月壬子禪社首今高里山之左有小山其高可四五丈志云
即社首山在嶽旁諸山中最早小不知古人何取于此意者封于

高欲其近天禪于下欲其近地且山卑而附嶽址便于將事初涉
高山之後不欲更勞民力耶

考碧霞元君

世人多以碧霞元君為泰山之女後之文人知其說之不經而曲
引黃帝遣玉女之事以附會之不知當日所以禳封固真以為泰
山之女也今考封號雖自宋時而泰山女之說西晉以前已有之
張華博物志云王以去公望為權壇今早風不為條文王夢見
有一婦人甚麗當道而羨問其故婦人言曰我東海泰山神女嫁
為西南婦欲東歸權壇今當召道去公自無吝不致以暴風疾雨
過也文王夢覺明日召太公三日三夕果有疾風驟雨去者皆西
來也文王乃拜太公為夫司馬此一夢也平寶搜神記後漢胡毋

班嘗至太山之側為泰山府君所召今致書于女婿河伯云至河
中流扣舟呼青衣當自有取書者果得瓊篋為河伯致書府君此
二事也列異傳記蔡文事入以天帝為泰山神之外孫自漢以來
不明乎天神地祇人鬼之別一以人道事之於是封嶽神為王則
立寢殿為王夫人有夫人則有女而女有婿又有外甥矣唐宋之
時但言靈應即加封號不知今之君子必求其人以實之也
又考泰山不惟有女亦又有兒魏書段承根傳云父暉師事歐陽
湯有一童子與暉同志後二年童子辭歸從暉請馬暉戲作木馬
與之童子甚悅謝暉曰吾泰山府君子奉勅游學今將歸損子厚
贈無以報德子後至常伯封侯非報也且以為好言訖乘馬騰虛
而去集異記言貞元初李納病篤遣押衙王祐禱于岱岳遙見山

上有四五人衣碧汗衫半臂路人止祐下車言此三郎子七郎子
也山東通志後唐長興三年詔以泰山三郎為威權將軍宋真宗
加封炳靈公夫封其子為將軍為公則封其女為君正一時之事
爾又考元劉遵魯漁島記曰廟中神妃相傳為東海廣德王第
七女夫海有女則小亦必有女也

泰山上有人祖殿不知何取三秦記曰瓊山顛有人祖廟不齋戒
而往即風雨迷道長安志曰即秦始皇祠蓋本之史記所云祖龍
者人之先也今臨潼志以始皇不應祀典改為三皇廟按史記封
禪書南山巫祠南山秦中秦中者二世皇帝夫二世尚祀奚必始
皇之不祀乎

錄唐勅

泰山之東南麓王母池西有唐岱嶽觀今存茅屋三楹士人稱為老君堂其前有碑二高八尺許上施石蓋合而束之俗呼為鴛鴦碑其字每面作四五層每層文一首或二首皆唐時建醮造像之記而下層為積土所壅就其上周圍讀之得顯慶六年一首儀鳳三年一首天授二年一首萬歲通天二年一首聖曆元年一首久視二年一首長安元年一首四年二首神龍元年一首景龍元年一首三年一首景雲二年二首開元八年一首大曆七年一首建中元年一首其空處又有唐代人題名書法不一東側面有詩一首其下題名西側面題名亦有詩一首中二側皆無字唐碑自磨屋之外存者唯此以小而雙束故不仆書非名筆故摹拓者少而

獨完至今因歎唐時六帝一后修齊建醮凡二十計共此二碑亦異乎近代之每歲一碑以勞人而災石者矣但不知趙明誠金石錄何以不收恐古人碑記失傳者正多耳其勅一首詩一首文辭斐然因錄于後

碑字凡大周年者天作而地作聖人作至聖作聖年作聖月作亦作陞日作(一)授作播初作壘唯履字無可考疑是應字凡數字作壹武參肆捌玖等字皆武后所改及自制字其聖曆碑有云設金籙寶齊河圖大醮泰(二)泰古七字太玄經規擬之二泰是也後人不知妄于左旁添鑿三點踐而大又稍偏知其一筆

勅

景雲二年六月二十三日皇帝敬憑太清觀道士楊大希奏名

山斫燒供養惟靈藻秋凝真舍幽綜妙類高天之亭育同厚載
之陶鈞蓄德烟雲蔽虧日月五莢標秀八桂流芳翠嶺萬尋青
漢千刃當作蛻棠底止怕為碧落之廷鶴駕來遊即是玉京之
城百祥罩于遠通五福被于黎元往帝所以馳心前王由其載
想朕恭膺寶位嗣守昌圖恐百姓之不寧慮八方之未泰式陳
香薦用表深衷冀明靈降茲休祉所願從今以後泱寓常安
朕躬男女六姻永保如山之壽國朝官寮萬姓同符擊壤之歡
魚鳥遂性于飛沈夷狄歸心于遠徵實希靈鑒用副翹誠今因
鍊師遣此不悉

詩

早春陪勅使麻先生祭岳 守博城縣令馬口口

我皇威文物道化天地先鞭撻走神鬼玉帛禮山川忽下玄州
使來遊紫洞前青羊得處所白鶴口時年度懇飛龍記昭彰化
鳥篇口風半山水口氣摠雲烟光抱昇中日霞明五色天山橫
翠微外室在綠潭邊緹幕灰初應焚林又欲然年先著草樹春
色換山泉伊水來何日萬年去幾千山疑小天下人是會神仙
葉令乘昆入浮丘駕鶴旋麻姑茲年歲三見海成田按久視二
都青元觀主麻慈力即其人七武后遣之至觀修醮神都
即東都故有伊水為巖之句字半刻蓋其不可知者闕之

錄宋牒

泰山東南麓升元觀有宋牒碑其大字草書甚通勁不知何人筆
錄之以見當日牒文之式考宋史婁寅亮傳但云政和二年進士
為上虞丞不言歷官兗州亦可以此碑補史之闕其曰孟師魯國

公則蔡京也

尚書省牒准泰寧軍奉符縣升元觀 右第一條

泰寧軍狀據充州儀曹孫兼兵曹婁質亮狀稱契劬充州奉符

縣泰山之下有古洞天周三十里名曰三宮聖洞之天載在圖

經是實即日宮觀并無名額却有建封院一所通連嶽廟之後

殿屋完備田產頗多只一村僧占據住持任從民間安插丘墓

穢惡不蠲深慮觸瀆真仙不便欲乞條申朝廷改為道觀州司

看詳本院委合改充前件洞天道觀伏候指揮 右小字

牒奉勅宜賜升元觀為額牒至准勅故牒 右大字草書

起復太中大夫守左丞王 右

特進少宰 右

起復少太宰 右

太師魯國公 不押 右字畧本真書

政和八年六月十四日牒 右末一行

政和八年閏九月二十一日襲慶府管內都道正兼催措置知

升元觀事洞元太師賜紫道士李冲寂立石 右左方之下

善照寺有金大定五年牒碑長春觀有元丁亥年牒碑其式略

同全元碑並有印曰尚書禮部之印即今篆文不用女直蒙古

字

錄元聖旨

元文泰定帝本紀有即位一語文極鄙俚蓋以曉其本國之人者
今嶽廟有二碑其文亦然可發一笑然其曰每年燒香的上頭得

來的香錢物件只教先生每收掌者則是時香錢固未嘗以入官也後世言利之臣蓋元之不知也

長生天氣力襄大福應護助襄皇帝聖旨軍官每根底軍人每根底管城子達魯花赤官人每根底來往的使臣每根底宣諭的聖旨成吉思皇帝月台皇帝薛禪皇帝完澤篤皇帝曲律皇帝普顏都皇帝格堅皇帝聖旨裏和尚也里可溫先生達識蠻每不揀甚麼差發休當者告天祝壽者麼道有來如今依着在先聖旨體例裏不揀甚麼差發休着者與咱每告天祈福者麼道泰安州有的泰山東嶽廟住持提點通義守正淵靖大師張德璘生每根底執犯行的聖旨與了也這的每廟宇房院裏使臣休安下者鋪馬祇應休拿者高稅地稅休與者但屬他們

的水土園林碾磨鋪席不揀甚麼他每的休倚氣力奪要者每年燒香的上頭得來的香錢物件只教先生每收掌者廟宇損壞了可修理整治者這的每其間裏不揀是誰休入來休沮壞者更這張德璘梁道根底聖旨與了也無體例勾當行可他不怕甚麼 聖旨泰定年鼠兒年十月二十三日大都有時分寫來

至正四年猴兒年聖旨碑略同

錄白龍池題名

嶽西傲來峰下有白龍池巖崖絕竒殆非人境石壁平廣二十餘丈書曰龍池曰白龍池並夫字其旁皆宋人題名尚未利缺因書之得十五首其文略無重複自治平迄宣和六十年間人名字亦

可以想見當日太平之盛而金元以降將墮兵火名山真區委之
榛莽無復有題名者矣

內供奉官李彝舉被命禱祝帝急奉香勝築於壽聖節日先款
青帝宮次詢白龍潭治平四年題下云書吏李恭從行蓋此字

充守劉袞奉詔祈雪于休宗殿頂翌日謁白龍池之祠元祐丁
卯孟春初四日奉符令林會題大字

貫道建欄於此以便遊者元祐丁卯正月八日大字
范陽正輔再遊同魯國景元至丁丑三月二十六日

元符庚辰七月晦趙習之徐安國弟居仁孫正仲同遊大字
皇甫偁徐端朝孫節同遊建中靖國元年三月二十六日題

奉符令李珪因捕蝗恭謁白龍祠男彙侍行崇寧壬午孟春初

七日

誠中君寶德升崇寧二年八月二十六日自王母池來訪此

董元康政和甲午重九日攜家來遊質贖資侍行

自恭觀元康兄畱字政和乙未孟冬二十日
蒲陽陳國瑞子玉恭謁白龍池祠俯洞酌泉小憩而過政和丁

酉夏前二日大字
姜子正子方李晉道劉言可刁文叔同來庚子四月

李顯道張公美王仲興張去塵庚子孟夏十九日同遊池上

鄧城李儋弟俊趙贛隨侍遊此癸卯季春二十八日
張子觀水于池十三年春三月篆書大字無年號按宋朝紀

又不合一代全無題名止此一人也以後但有成化
壬寅知州賈宜高曆七年知州袁穩謁白龍池工刻

說於 山東考古錄

年

辨肅然山

史記武帝禪泰山下址東北肅然山註服虔云肅然山在梁父按
梁父縣在今兗州府泗水縣境是泰山之南與本文東北不合酉
陽雜俎云長白山古肅然也亦非按史記帝以乙卯封泰山明日
下陰道丙辰禪泰山下址東北肅然山明日即丙辰也本日下午
本日行禮必在三五十里之內不當遠至長白山也魏書崔光傳
弟敬友嘗置逆旅于肅然山南大路之北設食以供行者今泰安
州東關往北七十里地名王許保其北有山碑云古宿嶺山恐即
肅然山也又按光武以二月二十二日辛卯封泰山夜下山明日
百官上壽暮宿奉高三十里明日發至梁父九十里二十五日甲
午禪梁父則謂肅然在梁父者亦非

考泰山都尉

後漢書桓帝紀永興二年泰山琅邪城公孫舉等反殺長史永壽
元年七月初置泰山琅邪都尉官延壽五年八月己卯罷琅邪都
尉官八年五月壬申罷泰山都尉官金石錄載漢泰山都尉孔宙
碑云宙以延熹四年卒蓋卒後四年官遂廢矣然泰山都尉寔不
始于此光武時曾置之文苑傳夏竦光武時拜郎中再遷泰山都
尉又光武紀建武六年初罷郎中尉官竦之遷蓋在此年前也

考泰山兵

泰山自公孫舉東都竇芳兩叔孫無忌相繼叛亂以是置都尉之
官以後官雖不設而卿與領守太守其力素厚故何進使府掾秦
山王匡東發其郡強弩而應劭夏侯綱亦以之破黃巾可見前代

裁官不裁兵之効

辨闕里

闕里志引漢晉春秋曰魯有二石闕曰闕里又以為後儒尊崇夫子之稱其說自相牴牾按史記魯世家場公築茅闕門春秋定公二年夏五月壬辰雉門及兩觀災冬十月新作雉門及兩觀註雉門公宮之南門兩觀闕也孔子宅至漢魯恭王時尚存漢晉春秋之云二石闕必有所據石闕之下其里即名闕里而夫子之宅在焉遂以為名魯論有闕黨童子五百家為黨闕黨是闕下之黨左傳鄭伯享王子闕西辟是闕之西偏漢書儒林傳有鄒人闕門慶忌註云姓闕門名慶忌蓋亦如東門北宮之類以居為氏者也後漢書獻帝紀下邳賊闕宣註闕黨童子之後

考武城

史記仲尼弟子列傳魯參南武城人澹臺滅明武城人後人遂疑魯有兩武城而謂子羽為今費縣之武城曾子則別一武城在今之嘉祥縣其說全無所本今考武城之見于春秋者襄公十九年城武城註云泰山南武城縣昭公二十三年邾人城翼還將自離姑公孫鉏曰魯將御我欲自武城還循山而南徐鉏兵弱茅地曰道下遇雨將不出是不歸也遂自離姑武城人塞其前斷其後之本而弗殊和師過之乃推而履之遂取邾師獲鉏弱地哀公八年吳伐我子濇率故道險從武城初武城人或有因于吳境田焉拘鄆人之漚管者曰何故使吾水溢及吳師至拘者瑣之以伐武城克之王犯嘗為之宰魯臺子羽之父好焉國人懼吳師克東陽而

進舍于五梧十一年齊伐我及滑舟有以武城人三百為已卒徒
孟子亦云曾子居武城有越寇夫與鄰即為鄰而當吳越之終邑
山險而人勇悍此今費縣之武城也且廕臺子羽之武城即南武
城安得又有一武城更在其南而為曾子之所居乎史記正義曰
地理志定襄有武城清河有武城故此云南武城此說近是又如
平原君傳云封于東武城亦其例也齊乘古武城費西滕東兩縣
之間子游弦歌舊邑歷考古書魯無兩武城故知其即一地矣
史記兩弟子皆武城人獨於曾子加一南字而漢書泰山郡無南
武城止有南成縣屬東海郡後漢書作南城屬泰山郡至晉始為
南武城以此生後人之疑然後漢志云南城有東陽城引左傳哀
八年吳師克東陽是為今費之武城甚明或曰嘉祥之南武山有

曾子墓成化中有漁者陷入其穴得石碣而封志之夫曹縣之冉
惲為秦相穰侯魏冉之冢而今人以為仲子如此之類蓋難以盡
信也 又按史記田敬仲完世家威王曰臣有檀子者使守南
城則楚人不敢為寇東取泗上十二諸侯而來朝此即泰山之南
城也

考詳為徐州

史記齊世家田常執簡公于徐州田敬仲完世家宣王九年與魏
襄王會徐州諸侯相王也十年楚圍我徐州魏世家襄王元年與
諸侯會徐州楚世家威王七年齊孟嘗君父田嬰敗楚伐齊敗
之於徐州越世家句踐平吳乃以兵北渡淮與齊晉諸侯會于
徐州魯世家頃公十九年楚伐我取徐州按後漢書志薛奉國六

國時曰徐州在今滕縣之南薛河北有大城田文所築也此與楚魏二國為境而威王曰吾更有燕夫者使守徐州則燕人祭北門趙人祭西門從而從者七十餘家蓋與梁惠王言不欲斥魏更以燕趙夸之耳

索隱曰說文卸卸之下邑在魯東又紀年云梁惠王三十一年下卸遷于薛故名曰徐州則徐與卸並音舒也今讀為禹貢徐州之徐者誤齊世家田常執簡公于徐州春秋正作舒州

考楚境及齊長城

史記楚世家惠王四十四年滅杞杞國在淳于然則今之安丘屬楚矣簡王元年北伐滅莒然則今之莒州屬楚矣威王伐越殺王無彊取其地而越之國都別在琅邪然則今之諸城屬楚矣惠王

時越滅吳楚東侵廣地泗上頃襄王十五年取齊淮北而故宋之地盡入于楚然則今之滕屬楚矣考烈王八年取魯魯君封于莒十四年滅魯頃公遷于莒為家人然則今之曲阜泗水屬楚矣大約齊之邊境青州以南則守在大坨濟南以南則守在泰山是以宣王築長城緣河往泰山千餘里至琅邪臺入海而楚人之對頃襄王亦曰朝射東莒夕發洄魚夜加即墨顧據牟道則長城之東收而泰山之北舉矣亦可以見當時形勢之大略也

考費惠公

孟子費惠公註惠公費邑之君按春秋時有兩費其一見左傳成公十三年晉侯使呂相絕秦曰殄滅我費滑註滑國都於費今緱氏縣襄公十八年楚為于馮公子格率銳師侵費滑蓋本一地秦

城之而後屬鄭耳其一僖公元年公賜季友汝陽之田及費齊乘費城在費縣西北二十里古之伯國姬姓懿公之孫後為季氏邑在子思時滑國之費其亡已久若季氏不得稱公又楚人對頃襄王有鄒費却邳意者亦如孟嘗君之稱薛公也

考洗河

商輅埋城開記最為明悉其言洗泗二水今流南北不相通元至元二十六年始于充北築堙城壩障汶水而流由洗河注濟寧今考晉書荀羨傳慕容蘭以數萬衆屯泮城其為邊害羨自洗水引汶通渠至于東阿以征之臨陣斬蘭是洗河在晉已嘗為運道矣

辨章丘

三齊記曰章亥有三女溺死葬此考淮南子章豎亥是兩人今

云三女章女乎亥女乎蓋因縣北山名女郎而附會其說今案爾雅釋丘曰上正章丘註曰頂平然則章丘之名已見于古經傳矣

考管縣

漢書濟南郡有管縣註應劭曰音姦後漢書管有賴亭唐書武德二年於平陵縣置譚州并誌平陵縣以章丘亭山管城臨邑隸之八年省管城入平陵齊乘按述征記歷城到管城三十里自城以東水瀾漫數十里間南則迤山實為險固逮金亂土人因阻水立邑號曰水寨山東通志亦係管城而唐書誤刻管字作管齊乘遂附會之曰漢宣帝封趙充國為營平侯按恩澤侯表營平侯食邑於濟南今無可考且營平連二字為名亦無稱為營城之理也又按王子侯表營平侯信都齊悼惠王子孝文四年封是營平必

在濟南境內但非此之管城耳
今章丘縣西北七十里大清河之濱有土城或以為即古之管城
山東通志謂管城在臨濟城則此是矣然其距歷城乃八十里
與述征不合

考齊地用舟師

隋書張須陁傳孫宣雅等衆十餘萬攻章丘須陁遣舟師斷其津
濟親率馬步二萬襲擊大破之賊徒散走既至津梁復為舟師所
拒前後狼狽獲其家累輜重不可勝計是齊地古嘗用舟師也

辨濟南郡無鄒縣

漢書濟南郡之縣十四一曰東平陵二曰鄒平三曰臺四曰梁鄒
功臣表則有臺定侯戴野梁鄒孝侯武虎是二縣並為侯國後漢

書濟南郡十城其一曰東平陵其四曰臺其七曰梁鄒其八曰鄒
平陵而安帝紀云元光三年二月戊子濟南上言鳳凰集臺縣丞
霍收舍樹上章懷太子註云臺縣屬濟南郡故城在今齊州平陵
縣北水經註亦云濟水又東北過臺縣北尋其上下文句本自了
然後人讀漢書誤從鄒字絕句因以鄒為一縣平臺為一縣齊乘
遂謂漢濟南郡有鄒縣後漢改為鄒平此不得其句讀而妄為之
說也

漢以鄒名縣者五魯國有鄒亦作鄒膠東國有鄒盧千乘郡有東
鄒與濟南之鄒平梁鄒凡五其卑稱鄒者今兗州府之鄒縣也亦
有平臺屬常山郡外威恩澤侯表平臺康侯表後漢書邳彤傳
尹綏封平臺侯是也有鄒平有臺而亦有鄒有平臺不可不辨也

晉時縣名多沿漢舊按史何曾傳云孫機為鄒平令是有鄒平矣
解系傳父修封梁鄒侯劉頌傳追封梁鄒縣侯是有梁鄒矣宋書
言晉太康六年三月戊辰樂安梁鄒等八縣預霜傷桑麥文帝紀
元嘉二十八年五月乙酉亡命司馬順則自號齊王據梁鄒城八
月癸亥梁鄒平斬司馬順則是宋有梁鄒矣不知何故晉書地理
志于樂安國下單書一鄒字此史之闕文而齊乘乃云晉省梁鄒
入鄒縣夫晉以前此地本無鄒縣而何從入之乎蓋不知而妄作
者矣

考臺縣

齊乘云臺城在濟南東北十三里漢封藪野為臺侯而復云又有
平臺城在臺城北五十餘里漢縣俗曰故軍城則誤矣按章懷太

子註臺在平陵之北則齊乘所云平臺城即臺城耳云在濟南東
北十三里者非也

辨景相公墓

鄒平縣南五里有景相公墓通鑑五代周顯德元年七月癸巳以
樞密院直學士工部侍郎長山景範為中書侍郎同平章事此地
唐時屬長山也景氏之裔自洪武年間有山東人今亦尚有諸生
不能記其祖矣不知何年謬傳為晉之景延廣而邑志載之以後
山東通志等書襲舛承訛無不以為延廣也後有令于此者謂延
廣于晉為誤國之臣遂至謗其後人而毀其祠昔年邑之士大夫
頗有能知五代間事以為非是于至其邑有諸生二人來稱景氏
之孫請問其祖因取通鑑及五代史母宗紀示之又示以景延廣

傳曰延廣字航川陝州人也乃謝朓去及馬碑文以來其文為翰
林學士朝議郎尚書水部員外郎一制浩林國危載撰雖剝落者
五之一其曰故中書侍郎平章事景公諱覽字甚明白且生封上
柱國晉陽縣開國伯夜贈侍中其文有曰我大周聖神恭肅文帝
孝皇帝建大功于漢為北燕於魏郡又曰今皇帝嗣位登用舊臣
又曰冬十一月薨於菑川即之私第其末曰顯德三年歲次丙辰
十二月己未朔越十日戊申因嘆近日士人之不學以本邑之人
書本邑之事而猶不可信以明白易見之碑而不之視以子孫而
不識其先人推之天下郡邑之志如此者多矣

又按通鑑顯德二年八月丁未中書侍郎同平章事景範罷判三
司尋以父憂罷政事今碑文有云以列卿歸第懸車故鄉嗟風樹
之忽警訴昊天兮何極則是罷官歸里而後遭父喪與史不同識
以備考

王元美作李于鱗友人龔克懋妻景氏墓誌銘亦以為延廣之後
雖不其家之行狀然王李二先生亦未嘗究心于史學也

考漢都尉治於陵

漢濟南郡太守治東平陵而都尉治於陵者以長白山也魏書辛
子韻傳長白山連接三齊瑕丘數州之畔多有盜賊子韻受使檢
覆因辨山谷要害宜立鎮戍之所又諸州亭右在小鼓鑄姦多依
之又得密造兵仗亦請破罷諸后朝廷善而從之隋大業九年齊
人孟讓王薄等眾十餘萬據長白山攻剽諸郡以張須陁王世充
之力不能滅訖于隋亡觀此二事則和漢人立都尉治於陵之意

杜氏通典長山下云漢濟南郡故城今在縣西北齊乘等書皆仍之按二漢濟南郡並治東平陵距長山百餘里不應此地仍有濟南郡城豈以都尉治此而名耶又漢書地理志般陽莽曰濟南亭而後漢書章帝紀元和二年遷幸濟南註云縣名今淄川及考郡國志又無此縣不知章懷太子何所據而云也

辨淄川非薛

漢魯國有薛縣史記公孫弘傳齊菑川國薛縣人也言齊又言菑川而薛並不屬二國殊不可曉正義曰表云菑川國文帝分齊置都劇括地志云故劇城在青州壽光縣南三十一里故薛城在徐州滕縣畝地里志薛縣屬魯國按薛劇隔兗州及泰山未詳今考儒林傳言薛人公孫弘是弘審為薛人上言齊菑川者誤耳人疑

孟嘗君之封在菑川太史公曰吾嘗過薛其俗閭里率多暴桀子弟與鄒魯殊若在菑川其壤地與齊相接何不言齊而言鄒魯乎又按後漢書志云薛本國註引地道記曰夏車正奚仲所封冢在城南二十里山上皇覽曰靖郭君冢在城中東南陬孟嘗君冢在城中向門東北邊蓋可信孟嘗君之封不在菑川也

又按地理志菑川國三縣劇東安平樓鄉劇在今壽光縣西南東安平在今臨淄縣東南一十里樓鄉未詳所在今之淄川不但非薛并非漢之菑川乃般陽縣耳以為漢之菑川而以為孟嘗君之薛此誤而又誤也

考夾谷

春秋定公十年夏公會齊侯于夾谷傳曰公會齊侯于祝其實夾

谷杜預注及服虔註史記皆云在東海祝其縣劉昭志亦云祝其有羽山春秋時曰祝其夾谷地通典東海懷仁縣有夾山春秋之夾谷也相承遂謂夾谷山在今贛榆縣西五十里愚嘗以為疑贛榆在春秋為莒地與齊魯之都相去各五六百里何必若此之遠當時景公之觀不過曰遵海而南放於琅邪而已未聞越它國之境及讀金史云淄川有夾谷山一統志云夾谷山在淄川縣西南三十里舊名祝其山其陽即齊魯會盟之處萌水發源于此水經注萌水出般陽縣西南甲山按此則金史之夾谷山即水經註之甲山而萊蕪縣志則又云夾谷在縣南三十里接新泰訥二說皆未知其何所據但在萊蕪縣則正當齊魯之境在淄川則已入齊地一百餘里以情理論之似當近于贛榆昔人第泥漢時祝其縣

之在東海而不知地名或有相同者如此之類却不可信古註而拂事理也

考畫邑

史記田單傳畫邑注劉熙曰齊西南近邑正義曰括地志云戰里城在臨淄西北三十里春秋時棘邑又云畫邑因畫水為名也後漢書耿弇傳時張步都劇使其弟藍將精兵二萬守西安諸郡太守今為餘人守臨淄相去四十里弇進軍畫中居兩城之間註西安縣名屬齊郡故城在今青州臨淄縣西北畫邑故城在西安城東南按西安即今索鎮在臨淄之西非西北也孟子去齊宿於畫王曰棄寡人而歸是孟子自齊反鄒其道不由西北可知劉熙註是孟子所宿之畫即畫邑也

考杞梁妻

春秋傳齊侯襲莒杞梁死焉齊侯歸遇杞梁之妻于郊使弔之辭曰旣之有罪何辱命焉若免于罪猶有先人之敝廬在下妾不得與郊弔齊侯弔諸其室左氏之文不過如此而已檀弓則曰其妻迎其柩於路而哭之哀孟子則曰華周杞梁之妻善哭其夫而變國俗言哭者始自二書說苑則曰杞梁華舟進關殺二十七人而死其妻聞之而哭城為之阤而臨為之崩列女傳則曰杞梁之妻無子內外皆無五屬之親既無所歸乃枕其夫之屍於城下而殯道路過者莫不為之揮涕十日而城為之崩言崩城者始自二書夫左氏檀弓俱言有先人之敝廬何至枕屍城下且莊公既能遣弔豈至暴骨溝中子政之言後其知禮而憐其盡哀此殆于細人

之見也然其崩者城耳未云長城長城築于宣王之時去莊公百有餘年而齊之長城又非秦所築之長城也後人相傳乃謂秦築長城有范即之妻孟姜送寒衣至城下聞夫死一哭而長城為之崩則與杞梁之事全不相蒙矣夫范即者何人哉琴操曰范杞梁妻歎者齊邑范梁殖之妻所作也杞而加以范蓋自此始而轉為秦代之人則又不知其傳訛之所自矣余過長清縣之長城鋪見有杞梁妻祠乃列聖母娘娘諸像不下十數而人尚呼之為姜女廟又杞梁死地當在今之莒州非長清也因書此以待後之明君子正焉

考年國

春秋以年名國與地者有三桓公十五年齊人來朝註云年國今

泰山牟縣傳公五年公孫茲如牟娶焉隋書羸下云開皇十六年分置牟城縣大業初併入焉按萊蕪縣志云牟城在縣東二十里春秋時牟國漢為泰山即牟縣北魏省入于羸隋開皇十六年分羸置牟城大業初復併入此其故城也其一則曰牟婁隱公四年莒人伐杞取牟婁注云城陽諸縣東北有婁鄉昭公五年莒牟夷以牟婁及防茲來奔路史察之諸城有婁鄉是也其一則曰根牟宣公九年取根牟注云根牟東夷國也隋書安丘下云開皇十六年置曰牟山大業初改名路史根牟曹姓子爵魯宣公取之杜預謂琅邪陽都東南之牟鄉城樂史云根牟國即察之安丘隋之牟山縣案青州府志安丘縣西南十五里為牟山隋縣是也舊志多未分析故特注之

辨淮河字音

淮水土人名為淮河齊乘云漢書地理志淮或作淮故俗亦名淮河諸城志云傳箕屋山舊多產棗水從棗根出故俗呼為淮河以音之同也並誤愚按古人省大淮字或作維或作淮總一字也漢書或作淮者從水從鳥隹之隹古文作隹即維字而省其中系耳今呼為淮則竟為江淮之淮從水從隹人之隹古文作隹於隸則差之毫釐於古大則失之千里矣如關封之汜水左傳本音凡從水從己而今呼為濠泥之泥音杞亦以字形之似而訛也又如三國志吳作堂邑徐塘以濠北道晉書宣帝紀王凌詐言吳人塞涂水武帝紀琅邪王由出涂中並是濠字古濠省作涂與淮作淮正同韻書並不載此二字

考乘邊舟

論語乘邊舟何晏解恭多力能陸地行舟似未必然畢氏引竹書紀年帝相二十七年流伐斟鄩大戰于維獲其舟滅之又引楚辭天問覆舟斟鄩何道取之器為一事最明易傳八卦相疊古人以左右衝殺為疊陣此字義也

考洋水

通鑑宋明帝泰始三年沈文秀攻青州刺史明僧暉帝遣輔國將軍劉懷珍濟海救之進至黔陬大秀所署長廣太守劉桃根將數千人戍不其城懷珍軍于洋水遣王廣之將百騎襲不其城拔之注云洋水即巨洋水案不其城在今即墨縣西南而巨洋水乃今之巨蔑河在臨朐益都壽光三縣之境與黔陬不其相去三四百

里安能以百騎而襲取之乎水經注云拒菽水出黔陬縣西南拒艾山人謂之洋洋水膠州志曰洋河在州南三十里發源鐵嶺山東流入于海此即懷珍所屯軍處耳

考棠邑

春秋以棠名地者有三有魯之棠有萊之棠有楚之棠隱公五年公天魚於棠注高平方輿縣北有武庫焉晉侯觀魚臺在今魚臺縣北一十二里襄公六年王秋仲帥及鮑與于棠人軍齊師萊共公浮梁奔棠晏弱圍棠注棠棠邑十六年齊侯駕將走郵棠注郵棠齊邑二十五年齊棠公之妻注棠公齊棠邑大夫後漢書郡國志即墨有棠鄉今在平度州境昭公二十七年棠君尚謂其弟負註棠君奢之長子尚也為棠邑大夫後漢書郡國志廣陵郡棠邑春

秋時曰棠則今之公理王子齊飢陳楚曰國人皆以夫子將復
為發棠註棠齊之此棠之堂今時即蓋為齊之大都倉廩在焉亦
從此知之也

辨勞山

勞山之名齊乘以為登之者勞又云一作穿丘長春又改為贅皆
鄙淺可笑按南史明僧紹隱居長廣郡之勞山本草天麻生太山
勞山諸山則字本作勞若魏書地形志唐書姜撫傳並作勞乃傳
寫之誤

寰宇記秦始皇登勞盛山望蓬萊後人因謂此山一名勞盛山誤
也勞盛二山名勞即勞山盛即盛山史記封禪書七曰日主祠成
山成山斗入海漢書作盛山古字通用齊之東偏環以大海海岸

之山莫大于勞成二山故始皇登之史記秦始皇紀令人海者齋
捕巨魚具而自以連弩候大魚至射之自琅邪北至榮成山弗見
至之果見巨魚射殺一魚正義曰榮成山即成山也按史書及前
代地理書並無榮成山予向疑之以為其文在琅邪之下或山之
上必勞字之誤近見王充論衡實知篇引此正作勞成山乃知昔
人傳寫之誤唐時諸公亦未之詳考也遂使勞山併盛之名成山
冒榮之號今特著之以正史書二千年之誤

辨東牟侯興居

一統志登州府名宦下云劉興居高祖孫齊悼惠王肥子諫諸呂
有功封東牟侯惠澤及子勞人至今廟祀不絕考史記漢書本紀
年表興居以高后六年四月丁酉封於文帝二年冬十月始令列

侯就國春二月乙卯立夏事侯與居為齊比王其明年秋以反誅
是與居之侯于東平僅三年其奉土國之令至立為濟北王相距
僅五月其曾到國與各皆不可安得有患澤及人之事歷二千
年而思之不絕者乎其矣修志者之不續史也

辛丑臘望日庚申是日立春

